

四庫全書薈要

• 乾隆御覽本

史部

資治通鑑卷一百七十三 宋 司馬光 撰

胡三省 音註

陳紀七

起疆圉作噩盡屠
維大淵獻凡三年

高宗宣皇帝中之下

太建九年春正月乙亥朔齊太子恒即皇帝位

恒戶
登翔生

八年矣改元承光大赦尊齊主為太上皇帝皇太后為

太皇太后皇后為太上皇后以廣寧王孝珩為太宰

珩音

行司徒莫多婁設顯領軍大將軍尉相願尉紆謀伏兵

千秋門

千秋門鄴宮西門

斬高阿那肱立廣寧王孝珩會阿那

肱自它路入朝不果

朝直

孝珩求拒周師謂阿那肱等

曰朝廷不賜遣擊賊豈不畏孝珩反邪孝珩若破宇文

邕

周主諱邕

遂至長安反亦何預國家事以今日之急猶如

此猜忌邪

邪音耶

高韓恐其為變出孝珩為滄州刺史

高韓

謂高阿那肱韓長鸞地形志熙平二年分瀛冀二州置滄州治餘安縣城相願拔佩刀斫柱

歎曰大事去矣知復何言

復扶又翻

齊主使長樂王尉世辯

長樂郡王五代志信都郡長樂縣帥千餘騎覘周師出舊置長樂郡樂音洛尉紆勿翻

淦口

帥讀曰率騎奇寄翻覘丑廉翻又丑艷翻淦音釜

登高阜西望遙見羣鳥

飛起謂是西軍旗幟即馳還比至紫陌橋不敢回顧世

辯繁之子也

西軍旗幟皆黑齊人時恒懼望見鳥飛以爲周師已至馳歸不敢回顧懼其及也紫

陌橋在鄴城外尉繁與高歡同起於北鎮爾雅曰於是大陸曰阜廣雅山無石曰阜幟昌志翻比必寐翻

黃門侍郎顏之推中書侍郎薛道衡侍中陳德信等勸

上皇往河外募兵

齊制門下省侍中給事黃門侍郎各六人中書省侍郎四人河外謂大河

之外王者內京師而外諸夏齊都鄴在河北故謂河南爲河外更爲經略若不濟南投

陳國從之道衡孝通之子也

薛孝通始從賀拔岳後因入朝遂留仕於鄴

丁

丑太皇太后太上皇后自鄴先趣濟州

濟州治碭碭城趣七喻翻濟子

禮癸未幼主亦自鄴東行己丑周師至紫陌橋

辛卯

上祭北郊壬辰周師至鄴城下癸巳圍之燒城西門

齊人出戰周師奮擊大破之齊上皇從百騎東走

騎奇寄翻

使武衛大將軍慕容三藏守鄴宮

後齊循魏制武衛將軍副貳左右衛將軍

掌左右廂所主朱華閣以外階從三品如大者進等藏徂浪翻

周師入鄴齊王公以下

皆降

降戶江翻

三藏猶拒戰周主引見禮之

見賢遍翻

拜儀同大

將軍三藏紹宗之子也

慕容紹宗始從爾朱氏後事高歡父子

領軍大將

軍漁陽鮮于世榮齊高祖舊將也

將即亮翻

周主先以馬腦

酒鍾遺之

馬腦石似玉寶石也今作碼碯先息薦翻遺唯季翻

世榮得即碎之周

師入鄴世榮在三臺前鳴鼓不輟周人執之世榮不屈

乃殺之周主執莫多婁敬顯數之曰汝有死罪三前自

晉陽走鄴攜妾弃母不孝也

自晉陽走鄴見上卷上年數所拒翻舊所貝翻走音

奏外為偽朝戮力內實通啟於朕不忠也

為于偽翻朝直遙翻送

款之後猶持兩端不信也用心如此不死何待遂斬之

使將軍尉遲勤追齊主

考異曰北齊書勤作尉今從周書尉紆勿翻

甲午周

主入鄴齊國子博士長樂熊安生博通五經

晉武帝咸寧四年初

立國子學置國子祭酒博士各一人後齊置博士五人黃帝有熊氏一曰出於楚鬻熊之後以名為氏樂音洛

聞周主入鄴遽令掃門家人怪而問之安生曰周帝重

道尊儒必將見我俄而周主幸其家不聽拜親執其手

引與同坐賞賜甚厚給安車駟馬以自隨又遣小司馬

唐道和

後周之制六官七命自小冢宰至小司徒小就宗伯小司馬小司空皆上大夫七命

中書侍郎李德林宅宣旨慰諭曰平齊之利唯在於爾

引入官

官即鄴官時周主居之

使內史宇文昂訪問齊朝風俗政

教人物善惡

朝直選翻

即留內省三宿乃歸

內省即齊之門下省

乙未

齊上皇渡河入濟州

濟子禮翻

是日幼主禪位於大丞相任

城王潛

任音士潛戶皆翻又音皆

又為潛詔尊上皇為無上皇幼主

為宋國天王

齊氏於傾危之際不應改國號為宋宋國當作宗國

令侍中斛律孝

卿送禪文及璽紱於瀛州

齊制天子六璽受命璽在六璽之外紱印組也古者韍如

蔽膝又裳繡為兩已相背形謂之蔽此紱直以繫璽而已璽斯氏翻紱音弗

孝卿即詣鄴

以璽

紱歸

周主詔去年大赦所未及之處皆從赦例

去年周克晉陽

大赦山東河南河北之地尚為齊守今既克鄴齊洛州
凡齊之境內赦所未及之地今皆從去年赦例

刺史獨孤永業有甲士三萬聞晉州陷請出兵擊周奏

寢不報永業憤慨又聞并州陷乃遣子須達請降於周

降戶江周以永業為上柱國封應公此去年事也因齊亡叙之於此應國

公用古邗晉應韓之應以封之丙申周以越王盛為相州總管後魏置相州於

鄴東魏都鄴改為司州以其京畿之地倣漢晉之制而
置司州也周既平齊復為相州列于諸州相息亮翻

齊上皇留胡太后於濟州使高阿那肱守濟州關濟州城北

有碣磳硤硤候周師硤丑廉翻自與穆后馮淑妃幼主韓
津故關又丑艷翻

長鸞鄧長顥等數十人奔青州

顥魚容翻

使內參田鵬鸞西

出參伺動靜

參侯也伺相吏翻

周師獲之問齊主何在紿云已

去

紿徒亥翻誑言也

計當出境

謂出齊境也

周人疑其不信捶之每

折一支辭色愈厲竟折四支而死

捶止榮翻折而設翻

上皇至青

州即欲入陳而高阿那肱密召周師約生致齊主屢啟

云周師尚遠已令燒斷橋路上皇由是淹留自寬周師

至關阿那肱即降之周師奄至青州上皇囊金繫於鞍

與后妃幼主等十餘騎南走

騎奇寄翻

已亥至南鄧村尉遲

勤追及盡擒之并胡太后送鄴

先已擒胡太后於濟州今并齊主送鄴齊天保

元年更禪歲在庚午四主二十八年而亡

庚子周主詔故斛律光崔季舒等

宜追加贈謚并為改葬

斛律光死見一百七十一卷太建四年崔季舒等死見五年謚

神至翻為于偽翻

子孫各隨蔭叙錄

自漢以來將相公卿皆得保任子弟若孫為官所謂

門蔭者也

家口田宅沒官者並還之周主指斛律光名曰此

人在朕安得至鄴辛丑詔齊之東山南園三臺並可毀

撤瓦木諸物可用者悉以賜民山園之田各還其主

山東

南園三臺皆高氏遊宴之地撤直列翻

二月壬午上耕籍田

籍而亦翻

丙

午周主宴從官將士於齊太極殿頒賞有差

從才用翻將即亮翻

下同丁未高緯至鄴

已為俘囚不復書齊主緯于貴翻

周主降階以賓禮

見之齊廣寧王孝珩至滄州以五千人會任城王湝於

信都

冀州治信都湝自河間進兵至信都珩音行任音壬湝古皆翻

共謀匡復召募得

四萬餘人周主使齊王憲柱國楊堅擊之令高緯為手

書招湝湝不從憲軍至趙州

魏孝昌二年分定相二州置殷州治廣阿後改為趙

州湝遣二謀覘之

謀徒協翻覘丑廉翻又丑艷翻

候騎執以白憲憲集

齊舊將遍示之

齊舊將從憲軍者集以示謀以攜湝軍之心騎奇寄翻

謂曰吾所

爭者大不在汝曹今縱汝還仍充吾使

使疏吏翻

乃與潛書

曰足下謀者為候騎所拘軍中情實具諸執事

謂謀者當能具

言戰非上計無待卜疑守乃下策或未相許已勒諸軍

分道並進相望非遠憑軾有期

左傳城濮之役楚子玉遣使請戰於晉侯曰請

與君之士戲君憑軾而望之故引以為言兵車之軾高三尺三寸立而憑之

不俟終日所望

知機也

易大傳曰君子見幾而作不俟終日引以諭潛使速降

憲至信都潛陳於

城南以拒之潛所署領軍尉相願詐出略陳遂以衆降

鄴城之破相願蓋奔瀛州潛因署為相願潛心腹也衆領軍尉紆勿翻陳讀曰陣降戶江翻

皆駭懼潛殺相顧妻子明日復戰

復扶又翻

憲擊破之俘斬

三萬人執潛及廣寧王孝珩憲謂潛曰任城王何苦至

此潛曰下官神武皇帝之子兄弟十五人幸而獨存逢

宗社顛覆無愧墳陵

聚土曰墳陵大阜也墳陵猶言山陵

憲壯之命歸其

妻子又親為孝珩洗瘡傳藥禮遇甚厚

為于偽翻

孝珩歎曰

自神武皇帝以外吾諸父兄弟無一人至四十者命也

文襄死於盜手年二十九顯祖年三十一濟南王年十七孝昭年二十七武成年三十二其餘多不得良死

嗣君無獨見之明宰相非柱石之寄

嗣祥吏翻

恨不得握兵

符受斧鉞展我心力耳

史言潛孝珩志節可憐五代志後齊命將出征則授鼓旗於朝

皇帝陳法駕服充冕至廟拜於太祖徧告訖降就中階引上將操鉞授柯曰從此上至天將軍制之又操斧授柯曰從此下至泉將軍制之將軍既受斧鉞對曰國不可從外理軍不可從中制臣既受命有鼓旗斧鉞之威顧無一言之命於臣帝曰苟利社稷授將軍裁之將軍就車載斧鉞而出皇帝推轂度閭曰從此以外將軍制之

齊王憲善用兵多謀略得將士心齊人憚其威聲多望

風沮潰芻牧不擾軍無私焉

將即亮翻沮在呂翻

周主以齊降將

封輔相為北朔州總管北朔州齊之重鎮

降戶江翻北朔州控禦突

厥齊以士卒驍勇

驍堅克翻

前長史趙穆等謀執輔相迎任

城王潛於瀛州不果

前長史齊官長知兩朝相息亮翻

乃迎定州刺史

范陽王紹義紹義至馬邑自肆州以北二百八十餘城

皆應之

五代志博陵郡舊置定州魏置肆州治九原六鎮叛亂寄治樓煩郡之秀容縣其北即齊北朔

州紹義與靈州刺史袁洪猛引兵南出欲取并州至新

興而肆州已為周守

地形志魏太延二年置薄骨律鎮孝昌二年置靈州東西分治其地

屬西魏天平中東魏復置靈州寄治汾州隰城縣界五代志鴈門郡繁時縣東魏置武州寄治城中後齊改為

北靈州新興漢魏古郡名以五代志考之與肆州皆在樓煩郡秀容縣宋白曰唐之嵐州古新興郡為于偽翻

前隊二儀同以所部降周

二儀同前隊之將二人官皆儀同降戶江翻

周兵

擊顯州

地形志魏永安中置顯州治汾州六壁城五代志鴈門郡崞縣東魏置鄆州後齊改北顯州周

兵所擊即此

執刺史陸瓊復攻拔諸城

復扶又翻

紹義還保北朔州

周東平公神舉將兵逼馬邑

神舉即字文神舉

紹義戰敗北奔

突厥猶有衆三千人紹義令曰欲還者從其意於是辭

去者大半突厥佗鉢可汗常謂齊顯祖為英雄天子以

紹義重踝似之

厥九勿翻佗徒何翻可苦曷翻汗音寒重直龍翻踝戶瓦翻腿兩旁曰内外踝

甚見愛重凡齊人在北者悉以隸之於是齊之行臺州

鎮唯東雍州行臺傳伏營州刺史高寶寧不下

傳伏以永橋之

功遷東雍州行臺五代志絳郡後魏置東
雍州遼西郡置營州治和龍城雍於用翻其餘皆入於

周凡得州五十郡一百六十二縣三百八十戶三百三

萬二千五百

梁太宗大寶元年齊顯祖受魏禪五主二
十七年而亡齊所有司冀趙義懷黎建東

雍汾西汾晉南朔并肆靈顯恒朔定瀛幽東燕北燕營
南營安青濟光膠徐仁睢充北徐南青海東楚潼東徐
洛鄭陽宋梁南充西充北荆襄豫東廣秦西楚揚南潁
北建羅合江和共六十州而東廣已下十州時已為陳
故止言五十州考異曰隋書地理志云州九
十七郡一百六十縣一百六十五今從周書

高寶寧

者齊之疎屬有勇略久鎮和龍甚得夷夏之心

夏戶周雅翻

主於河陽幽青南充豫徐北朔定置摠管府相并二州

各置官及六府官

河陽縣屬懷州河內郡地臨河津實重鎮也幽州治薊青州治益都南兗

治譙豫治汝南徐治彭城北朔治馬邑定治中山或都會之地或守禦之要也故皆置摠管府摠管猶魏晉之都督也相并二州皆有齊舊官及省故仍置官若別都然置六府官以代省也六府官蓋倣長安六官之府未必備周師之克晉陽也克晉陽見上卷上年齊使開府儀同三司

紇奚永安求救於突厥比至齊已亡佗鉢可汗處永安

於吐谷渾使者之下

紇奚虜複姓魏叔官氏志北方諸姓有紇奚氏比必寐翻及也處昌

呂翻吐如字或土鷗翻谷音浴使疏吏翻

永安言於佗鉢曰今齊國已亡永

安何用餘生欲閉氣自絕恐天下謂大齊無死節之臣

乞賜一刀以顯示遠近佗鉢嘉之贈馬七十匹而歸之

梁主入朝于鄴

梁臣於周以周平齊故入朝朝直遙翻下同

自秦兼天下無

朝覲之禮至是始命有司草具其事致積致餼設九賓

九介受享於廟三公三孤六卿致食勞賓還贊致享皆

如古禮

積子賜翻餼許既翻勞力到翻鄭玄曰每積有牢禮米禾芻薪又曰大禮饗餼也左傳居則具

一日之積杜預曰芻米菜薪詩傳曰牲脰曰餼或曰饋客生食及芻米曰餼賓主副也導主以行禮者也介賓

副也輔賓以行禮者也五代志曰梁王之朝周入畿大冢宰命有司致積其餼五牢米九十筭醢醢各三十五

甕酒十八壺米未各五十車薪芻各百車既至大司空設九賓以致館梁王束帛乘馬設九介以待之禮成而

出明日王朝受享於廟既致享大冢宰又命公一人元冕乘車陳九賓以束帛乘馬致食于賓及賓之從各有差致食訖又命公一人弁服乘車執贄設九賓以勞賓王設九介迎於門外明日朝服乘車還贄于公公皮弁迎於大門授贄受贄並於堂之中楹又明日王朝服設九介乘車以見于公事畢公致享明日三孤一人又執贄勞于梁王明日王還贄又明日王見三孤如三公明日卿一人又執贄勞王王見卿又如三孤於是三公三孤六卿又各餼賓並屬官之長為使牢

米束帛同三公賓必刃翻勞力到翻

周主與梁主宴

酒酣

酣戶甘翻

周主自彈琵琶梁主起舞曰陛下既親撫五

絃臣何敢不同百獸周主大悅賜賚甚厚

弁彈五絃之琴夔曰於予

擊石拊石百獸率舞梁主以

乙卯周主自鄴西還三月

壬午周詔山東諸軍各舉明經幹治者二人若奇才異

術卓爾不羣者不拘此數

時周分置諸州總管以撫鎮山東治軍政故曰諸軍

主之擒尉相貴也

擒尉相貴見上卷上年

招齊東雍州刺史傳伏

伏不從齊人以伏為行臺右僕射周主既克并州

克并州亦

見上卷上年

復遣韋孝寬招之

韋孝寬鎮勳州與東雍州令接境故使招之復扶又翻

其子以上大將軍武鄉公告身

以古武鄉郡封為公也石勒置武鄉郡凡授官

爵皆給以符謂之告身五代志馮翊郡華陰縣西魏改武鄉置武鄉郡周當以此封傳伏

及金馬腦

二酒鍾賜伏為信伏不受謂孝寬曰事君有死無貳此

兒為臣不能竭忠為子不能盡孝人所讎疾願速斬之

以令天下周主自鄴還至晉州遣高阿那肱等百餘人

臨汾水召伏伏出軍隔水見之

汾水逕晉絳二州之間東雍州在絳州界故隔

水問至尊今何在阿那肱曰已被擒矣

被皮義翻

伏仰天大

哭帥衆入城於聽事前北面哀號良久然後降

帥讀曰率聽與

廳同毛晃曰聽事治官處漢晉皆作聽事六朝

以來乃始加广音他經翻號戶刀翻降戶江翻周主見

之曰何不早下伏流涕對曰臣三世為齊臣食齊祿不

能有死羞見天地周主執其手曰為臣當如此乃以所

食羊肋骨賜伏

肋廬則翻肋骨

曰骨親肉疎所以相付遂引使

宿衛授上儀同大將軍敕之曰若亟與公高官

亟紀力翻

恐

歸附者心動努力事朕勿憂富貴佗日又問前救河陰

得何賞

救河陰事見上卷七年

對曰蒙一轉授特進永昌郡公

勳級

曰轉轉張應翻

周主謂高緯曰朕三年教戰決取河陰正為傳

伏善守

為于偽翻

城不可動遂斂軍而退公當時賞功何其

薄也夏四月乙巳周主至長安置高緯於前列其王公

於後車輿旗幟器物以次陳之備大駕

秦大駕屬車八十一乘漢遵用

之備千乘萬騎晉之盛也大駕鹵簿見於志為尤詳開皇中大駕十二乘法駕半之其後大駕用三十六法駕用十二周氏雖設六官置司輅之職以掌公車之政以隋制參之大駕鹵簿必不能如漢晉之盛幟昌志翻

布六軍奏凱樂

周官王師大獻則令奏愷樂注云大獻獻捷於祖愷樂獻功之樂

獻俘

於太廟觀者皆稱萬歲戊申封高緯為溫公齊之諸王

三十餘人皆受封爵周主與齊君臣飲酒令溫公起舞

高延宗悲不自持屢欲仰藥其傅婢禁止之周主以李

德林為內史上士

後周之制內史屬春官中大夫五命下大夫四命上士三命

自是

詔誥格式及用山東人物並以委之帝從容謂羣臣曰

我常日唯聞李德林名復見其為齊朝作詔書移檄

從七

容翻復扶又翻為于偽翻朝直遙翻

正謂是天上人豈言今日得其驅使

神武公紇豆陵毅對曰

神武郡公後魏置神武郡於神武川隋為神武縣屬馬邑郡紇

豆陵毅本姓竇唐宰相世系表曰竇本竇融之後以竇武之難亡入鮮卑拓拔部使居南境號沒鹿回部世為

部落大人及勤後魏穆帝命為紇豆陵氏至曾孫巖從孝文帝徙洛陽遂為河南洛陽人復為竇氏宇文復代

北舊姓又復為紇豆陵氏

臣聞麒麟鳳皇為王者瑞可以德感不可

力致麒麟鳳皇得之無用豈如德林為瑞且有用哉帝

大笑曰誠如公言

己巳周主享太廟

五月丁丑周

以譙王儉為大冢宰庚辰以杞公亮為大司徒鄭公達
奚震為大宗伯梁公戾莫陳芮為大司馬應公獨孤永
業為大司寇鄭公韋孝寬為大司空己丑周主祭方丘
周制方丘在國陰六里之郊以其先炎帝神農氏配詔以路寢會義崇信舍仁雲

和思齊諸殿皆晉公護專政時所為事窮壯麗有踰清

廟

清廟者倣周祀文王之廟而為之也毛傳曰清廟者祭有清明之德者之宮也

悉可毀撤彫

斲之物並賜貧民繕造之宜務從卑朴又詔并鄴諸堂

殿壯麗者準此

并鄴諸堂殿齊氏所營也

臣光曰周高祖可謂善處勝矣

處昌呂翻

佗人勝則益奢

高祖勝而愈儉

六月丁卯周主東巡秋七月丙戌幸洛州

洛州治洛陽

八月

壬寅議定權衡度量頒之於四方

量音亮

初魏虜西涼之

人

西涼謂河西自沮渠氏據河西稱梁王宋文帝元嘉十六年魏太武帝擊而虜之

沒為隸戶

齊氏因之仍供廝役

廝息移翻養也役也使也賤也蘇林曰廝取薪者也韋昭曰折薪曰

廝今或讀從詵入聲

周主滅齊欲施寬惠詔曰罪不及嗣古有定

科

書大禹謨皋陶曰罰不及嗣孔傳云父子罪不相及

雜役之徒獨異常憲

憲法也

一從罪配百代不免罰既無窮刑何以措凡諸雜戶悉

放為民自是無復雜戶甲子鄭州獲九尾狐

此時鄭州蓋猶在長

社已死獻其骨周主曰瑞應之來必彰有德若五品時

叙四海和平乃能致此

此稽瑞應圖而言也孔氏書傳五品謂五常

今無其

時恐非實錄命焚之九月戊寅周制庶人已上唯聽衣

綢綿綢絲布圓綾紗絹綃葛布等九種

衣於既翻綢與綃同直由翻大

絲繒也綿綢紡綿為之今准人能織綿紬紫厚耐久服絲布以絲裨布縷織之今謂之兼絲布圓綾土綾也亦謂之花絹紗方目紗也絹吉掾翻縑也細絲繒綃相邀翻生絲繒葛越宜夏服布緝麻若紵為之種章勇翻

餘悉禁之朝祭之服不拘此制

朝直

冬十月戊申周主

如鄴 上聞周人滅齊欲爭徐兗

此言禹迹徐兗二州之地禹貢曰海岱及

淮惟徐州濟河惟兗州周之九州青州得沂泗淮三水兗州得大野無復徐州矣今之徐州春秋宋地左傳圍宋彭城是也秦屬泗水郡漢屬沛郡後分立楚國後置徐州自是之後徐州專治彭城矣 詔南兗州

刺史司空吳明徹督諸軍伐之以其世子戎昭將軍惠

覺攝行州事明徹軍至呂梁周徐州總管梁士彥帥衆

拒戰

帥讀曰率

戊午明徹擊破之士彥嬰城自守明徹圍之

帝銳意以為河南指麾可定中書通事舍人蔡景歷諫

曰師老將驕不宜過窮遠略

魏黃初中中書置通事郎晉初置舍人通事江左令

舍人通事謂之通事舍人掌呈奏案又掌詔命陳氏得國國之政事並由中書省有中書舍人五人分掌二十一局事各當尚書諸曹並為上司總國內機要尚書唯聽受而已將即亮翻帝怒以為沮衆

沮在呂翻出為豫章內史未行有飛章劾景厯在省贓汙狼

籍坐免官削爵土

飛者不知其所自來也蓋出於上意劾戶槩翻又音戶得翻

周

改葬德皇帝於冀州

宇文肱者字文泰之父也從鮮于脩禮攻定州戰死于唐河武成初

追謚德皇帝其地在齊未得改葬平齊之後乃得改葬於冀州

周主服縗

縗倉回翻

哭于太

極殿百官素服

周人誣溫公高緯與宜州刺史穆提

婆謀反并其宗族皆賜死衆人多自陳無之高延宗獨

攘袂泣而不言以椒塞口而死

塞悉則翻

唯緯弟仁英以清

狂仁雅以瘖疾得免

漢張敞奏言昌邑王賀清狂不惠蘇林曰凡狂者陰陽脉盡濁今此

人不狂似狂故言清狂或曰色理清徐而心不慧故曰清狂清狂如今白癡也瘖於今翻瘖也

徙於蜀

其餘親屬不殺者散配西土

西土謂長安西邊州郡

皆死於邊裔

周主以高潛妻盧氏賜其將斛斯徽

潛戶皆翻又音皆將即亮翻下同

盧氏蓬首垢面長齋不言笑徵放之乃為尼

盧氏山東高門史言

其能守節長齋者依佛教茹蔬素不食葷肉尼女夷翻女僧

齊后妃貧者至以賣燭

為業 十一月壬申周立皇子衍為道王

道古國名春秋有江黃道

栢皇子當作皇孫衍周太子之長子此有可疑者後注屢及之通鑑一百七十一卷太建五年六月書周皇孫

衍生允為蔡王 癸酉周遣上大將軍王軌將兵救徐州

初周人敗齊師於晉州乘勝逐北齊人所弃甲仗未

暇收歛

事見上卷八年敗補邁翻

稽胡乘間竊出

間古覓翻

並盜而有之

仍立劉蠡升之孫沒鐸為主

劉蠡升為高歡所滅見一百五十七卷梁武帝大同

元號聖武皇帝改元石平周人既克關東

謂克齊也

將討稽

胡議欲窮其巢穴齊王憲曰步落稽種類既多

種章又勇翻

山谷險絕王師一舉未可盡除且當翦其魁首餘加慰

撫周主從之以憲為行軍元帥督諸軍討之

行軍元帥始此帥所

類至馬邑分道俱進沒鐸分遣其黨天柱守河東穆支

守河西據險以拒之

此河西離石之河東河西也

憲命譙王儉擊天

柱滕王逌擊穆支

逌以周翻

並破之斬首萬餘級趙王招擊

沒鐸禽之餘衆皆降

降戶江翻

周詔自永熙三年以來東

土之民掠為奴婢

後魏孝武帝永熙三年西入關自是宇文氏高氏交兵互相侵掠得其民

口各以及

為奴婢及克江陵之日良人沒為奴婢者

梁世祖承聖三年江陵破

事見一百六十五卷並放為良又詔後宮唯置妃二人世婦三人

御妻三人此外皆減之周主性節儉常服布袍寢布被

後宮不過十餘人每行兵親在行陳行陳上戶剛翻下讀曰陣步涉

山谷人所不堪撫將士有恩而明察果斷斷丁亂翻用法嚴

峻由是將士畏威而樂為之死將即亮翻樂音洛為于偽翻己亥

晦日有食之周初行刑書要制羣盜賊一匹及正長

隱五丁若地頃以上皆死隋因周制制人五家為保保有長保五為閭閭四為族皆

有正畿外置里正比閭正黨長比族正以十二月戊申相檢察所謂正長也百畝為頃長知兩翻

新作東宮成太子徙居之 庚申周主如并州徙并州

軍民四萬戶於關中戊辰廢并州宮及六府

是年春周置并州宮

及六府

高寶寧自黃龍上表勸進於高紹義

黃龍即和龍今之黃

龍府上時掌翻

紹義遂稱皇帝改元武平以寶寧為丞相突厥

佗鉢可汗舉兵助之

可從判入聲汗音寒

十年春正月壬午周主幸鄴辛卯幸懷州

懷州治河內郡野王自此

以後周陳之君書如書幸雜出其間未悉義例所安

癸巳幸洛州置懷州宮

二

月甲辰周譙孝王儉卒

丁巳周主還長安

吳明徹

圍周彭城環列舟艦於城下攻之甚急

艦戶點翻

王軌引兵

輕行據淮口

淮口清水入淮之口即清口也

結長圍以鐵鎖貫車輪數

百沈之清水

沈持林翻酈道元曰清水即泗水之別名

以遏陳船歸路軍中

怙懼

怙許勇翻

譙州刺史蕭摩訶言於明徹曰聞王軌始鎖

下流其兩端築城今尚未立公若見遣擊之彼必不敢

相拒水路未斷賊勢不堅彼城若立則吾屬必為虜矣

明徹奮髯曰寡旗陷陳將軍事也長筭遠略老夫事也

摩訶失色而退

史言明徹驕而復諫以致敗髯而占翻寡起虔翻拔取也陳讀曰陣

一句

之間水路遂斷周兵益至諸將議破堰拔軍以舫載馬而去馬主裴子烈曰若破堰下船船必傾倒不如先遣

馬出

考異曰南史作馬明主今從陳書馬主馬軍時主也堰於建翻舫府妄翻並兩船也倒都皓翻

明徹苦背疾甚篤蕭摩訶復請曰今求戰不得進退無

路若潛軍突圍未足為恥願公帥步卒乘馬舉徐行摩

訶領鐵騎數千驅馳前後必當使公安達京邑

京邑謂建康觀

摩訶此言亦知軍退後周師繼至必不能守淮南復扶又翻帥讀曰率舉攷字書皆無此字唯類篇有之音羊姑切昇車也今言乘馬舉則當讀與與字同從平聲騎奇翻下同明徹曰弟之此策乃

良圖也然步軍既多吾為總督必須身居其後相帥兼

行

帥讀曰率下同

弟馬軍宜速在前不可遲緩摩訶因帥馬軍

夜發甲子明徹決堰乘水勢退軍冀以入淮至清口水

勢漸微舟艦並礙車輪不復得過王軌引兵圍而蹙之

衆潰明徹為周人所執將士三萬并器械輜重皆沒於

周

將即亮翻重直用翻

蕭摩訶以精騎八十居前突圍衆騎繼之

騎

奇翻

比旦達淮南

淮水南岸也必寐翻

與將軍任忠周羅暉獨

全軍得還

任音壬還音旋又如字

初帝謀取彭汴以問五兵尚書

毛喜

彭汴謂彭城汴水之地五兵尚書以掌中兵外兵別兵都兵騎兵各官

對曰淮左新

平邊民未輯周氏始吞齊國難與爭鋒且弃舟楫之工

楫與踐車騎之地

徐充之地四平車騎便於馳突踐慈演翻騎奇寄翻

去長就短

非吳人所便臣愚以為不若安民保境寢兵結好

好呼到翻

斯久長之術也及明徹敗帝謂喜曰卿言驗於今矣即

日召蔡景歷復以為征南諮議參軍

亦以其言驗也

周主封吳

明徹為懷德公

懷德郡公五代志巴東郡武寧縣後周置南都郡源陽縣尋改郡曰懷德縣曰

武位大將軍

其朝列於大將軍無職事也

明徹憂憤而卒

卒子恤翻

乙

丑周以越王盛為大冢宰 三月戊辰周於蒲州置宮

五代志河東郡後魏曰秦州後周改蒲州因蒲坂以名州也

廢同州及長春二宮

同州

治馮翊宇文泰輔魏多居同州其後受魏禪遂以同州置別宮長春宮在朝邑馮翊之屬縣也是宮蓋亦宇文

所置

甲戌周主初服常冠以阜紗全幅向後襍髮仍裁

為四脚

今之幘頭始此制微有不同耳杜佑曰後漢末王公卿士以幅巾為雅用全幅阜而向後襍髮

謂之頭巾俗人因號為幘頭後周武帝因裁幅巾為四脚襍與幘同房玉翻阜才早翻

丙子命

中軍大將軍開府儀同三司淳于量為大都督

陳制中軍大將

軍品第二秩中二千石開府儀同三司品第一其秩則萬石矣總水陸諸軍事鎮西將

軍孫瑒都督荆郢諸軍

瑒雄古翻
又音暢

平北將軍樊毅都督

清口上至荆山緣淮諸軍寧遠將軍任忠都督壽陽新

蔡霍州諸軍以備周

寧遠將軍梁置陳制擬官品第五
此新蔡在弋陽郡界五代志梁置

平高新城新城三郡於殷城後齊置新
蔡郡於固始二縣皆屬弋陽任音士

乙酉大赦

壬辰周改元宣政

夏四月庚申突厥寇周幽州殺掠

吏民

厥九
勿翻

戊午樊毅遣軍度淮北對清口築城壬戌

清口城不守

五月己丑周高祖帥諸軍伐突厥

周主
以是

役殂於軍中故書
其廟號帥讀曰率

遣柱國原公姬願

原古
國名

東平公神舉

等將兵五道俱入

將即亮翻又音如字領也

癸巳帝不豫留止雲陽

宮

五代志京兆郡雲陽縣後周置雲陽郡蓋亦置別宮於此

丙申詔停諸軍驛召宗

師宇文孝伯赴行在所

後周置宗師之官蓋掌諸宗室杜佑曰宗師屬天官中大夫也

五命小宗師下大夫四命字文孝伯時留長安故驛召之天子所至為行在所

帝執其手曰吾

自量必無濟理

量音良

以後事付君是夜授孝伯司衛上

大夫總宿衛兵

後周之制凡上大夫皆六命

又令馳驛入京鎮守以

備非常六月丁酉朔帝疾甚還長安是夕殂年三十六

還從宣翻又音如字殂蘇乎翻

戊戌太子即位尊皇后阿史那氏為皇

太后

阿史那氏天和三年娶于突厥者也

宣帝初立即逞奢欲大行在殯

曾無戚容

在戚而有嘉容魯昭公所以不終也

捫其杖痕大罵曰死晚矣

捫以手撫摸也杖痕為太子時受杖之痕

閱視高祖官人逼為淫欲

周武帝未祔廟

而書高祖者史筆也

超拜吏部下大夫鄭譯為開府儀同大將軍

內史中大夫委以朝政

鄭譯有寵事始上卷八年朝直遣翻

己未葬武皇

帝於孝陵廟號高祖既葬詔内外公除帝及六官皆議

即吉京兆郡丞樂運上疏以為葬期既促事訖即除太

為汲汲帝不從

樂運擢京兆郡丞見一百七十一卷五年自丁酉至己未二十三日而葬太速

矣上時

掌翻 帝以齊煬王憲屬尊望重忌之

齊王於周主叔父也屬尊出將

入相著功名其望重謚法好內遠禮曰煬憲豈有是哉周主殺之加以惡謚耳煬余亮翻

謂宇文孝

伯曰公能為朕圖齊王

偽為于翻

當以其官相授孝伯叩頭

曰先帝遺詔不許濫誅骨肉齊王陛下之叔父功高德

茂社稷重臣陛下若無故害之臣又順旨曲從則臣為

不忠之臣陛下為不孝之子矣帝不懌由是疎之乃與

開府儀同大將軍于智鄭譯等密謀之使智就宅候憲

因告憲有異謀甲子帝遣宇文孝伯語憲

語牛倨翻

欲以憲

為太師

太師三師之首

憲辭讓又使孝伯召憲曰晚與諸王俱

入既至殿門憲獨被引進

被皮義翻

帝先伏壯士於別室至

即執之憲自辯理帝使于智證憲目光如炬與智相

質

質證也驗也

或謂憲曰以王今日事勢何用多言憲曰死

生有命寧復圖存

復扶又翻

但老母在堂恐留茲恨耳

言既誣以

異謀恐罪及其母也

因擲笏於地遂縊之

縊於賜翻經也絞也

帝召憲僚屬

使證成憲罪參軍勃海李綱誓之以死終無撓辭

撓奴教翻

曲也有司以露車載憲尸而出

車無帷蓋曰露車

故吏皆散唯李

綱撫棺號慟躬自瘞之

綱在憲府先此未有聞焉而能臨難盡節於所事隋唐之間汜

能自持有以也夫號

哭拜而去又殺上大將軍王興上

戶刀翻瘞於計翻

開府儀同大將軍獨孤熊開府儀同大將軍豆盧紹

隋書

曰豆盧本姓慕容燕北地王精之後中山敗歸魏北人謂歸義為豆盧因氏焉

皆素與憲親善

者也帝既誅憲而無名

無罪以加之為無名古所謂無名之師亦言無罪而加之兵也

乃云與興等謀反時人謂之伴死

伴誦旱翻

以于智為柱國

封齊公以賞之

閏月乙亥周主立妃楊氏為皇后

楊堅

之女也

辛巳周以趙王招為太師陳王純為太傅齊

范陽王紹義聞周高祖殂以為得天助幽州人盧昌期

起兵據范陽

五代志幽州治薊城
涿縣舊置范陽郡

迎紹義紹義引突厥

兵赴之周遣柱國東平公神舉將兵討昌期

將即亮

紹義

聞幽州總管出兵在外欲乘虛襲薊

薊音計

神舉遣大將

軍宇文恩將四千人救之半為紹義所殺會神舉克范

陽擒昌期紹義聞之素衣舉哀還入突厥高寶寧帥夷

夏數萬騎救范陽

還從宣翻又音如字厥九勿翻
帥讀曰率夏戶雅翻騎奇寄翻

至潞

水

水經注鮑丘水出禦夷北塞中俗
謂之大榆河南過潞縣為潞水

聞昌期死還據和

龍秋七月周主享太廟丙午祀園丘

按五代志周祭園丘及南郊並

正月上辛今用七月丙午非舊制

庚戌周以小宗伯斛斯徵為大宗

伯壬戌以亳州總管楊堅為上柱國大司馬

五代志譙郡後魏置

南兖州後周置總管府後改曰亳州毫旁各翻

癸亥周主尊所生母李氏為

帝太后

嫡母阿史那氏既尊為皇太后又尊生母為帝太后

八月丙寅周主祀

西郊

五代志後周五郊壇其崇及去國如其行之數其方俱百二十步內壇皆半之

壬申如同

州以大司徒祀公亮為安州總管上柱國長孫覽為大

司徒楊公王誼為大司空

長知兩翻

丙戌以永昌公椿為

大司寇 九月乙巳立方明壇於婁湖戊申以揚州刺

史始興王叔陵為王官伯臨盟百官

周禮司盟掌盟載之法凡邦國有疑

會同則掌其盟約之載北面詔明神既盟則貳之鄭玄注曰有疑不協也明神神之明察者謂日月山川也觀禮加方明于壇上所以依之也詔之者讀其載書以告之也貳之者寫其副當以授六官陳祥道曰諸侯覲于天子為官方三百步四門壇十有二尋深四尺加方明于其上覲禮方明者木也方四尺設六色東方青南方赤西方白北方黑上玄下黃設六玉上圭下璧南方璋西方琥東方圭北方璜鄭氏曰方明者上下四方神明之象也會同而盟明神監之六色象其神六玉以禮之上宜以蒼璧下宜以黃琮而不以者則上下之神非天地之至貴者也設王者刻其木以著之王官伯者古者天子盟諸侯使天子之老蒞之如春秋踐土之盟王子

虎盟諸侯于王庭是之謂王官伯時彭城喪師陳人通國上下搖心故為是盟

庚戌周主封

其弟元為荊王

周主詔諸應拜者皆以三拜成禮

三拜

成禮用夷禮也

甲寅上幸婁湖誓衆乙卯分遣大使以盟誓

班下四方上下相警戒

使疏吏翻班下戶嫁翻班布也

冬周主還長

安以大司空王誼為襄州總管

五代志襄陽郡江左僞置雍州西魏改曰襄州

戊子以尚書左僕射陸繕為尚書僕射

十一月突

厥寇周邊圍酒泉殺掠吏民

五代志張掖郡福祿縣舊置酒泉郡

十二

月甲子周以畢王賢為大司空

己丑周以河陽總管

滕王迨為行軍元帥帥衆入寇

迨音由元帥所類翻帥衆之帥讀曰率

十一年春正月癸巳周主受朝於露門

露門當作路門路大也蓋周之

外朝也程泰之作雍錄以唐大明宮丹鳳門太極宮承天門皆為唐之外朝蓋識此意朝直遙翻

始與

羣臣服漢魏衣冠

以此知後周之君臣前此蓋胡服也

大赦改元大成置

四輔官以大冢宰越王盛為大前疑相州總管蜀公尉

遲迴為大右弼申公李穆為大左輔大司馬隨公楊堅

為大後承

尉紆勿翻記文王世子虞夏商周皆有師保有疑丞設四輔及三公周主倣此以置官

周主之初立也以高祖刑書要制為太重而除之

周行刑書

要制見
上九年

又數行赦宥

數所角
翻下同

京兆郡丞樂運上疏

上時
掌翻

以為虞書所稱眚災肆赦

眚所
景翻

謂過誤為害當緩赦之

呂刑云五刑之疑有赦謂刑疑從罰罰疑從免也謹尋

經典未有罪無輕重溥天大赦之文大尊豈可數施非

常之惠以肆姦宄之惡乎

大尊猶言
至尊也

帝不納既而民輕

犯法又自以奢淫多過失惡人規諫

惡鳥
路翻

欲為威虐懾

服羣下

懾之
涉翻

乃更為刑經聖制

考異曰周帝紀行刑
經聖制在八月案隋元

巖傳樂運之諫因巖納說得免及王軌之死巖遂廢于
家今運書已有更嚴前制之語然則行刑經在軌死前

也用法益深大醺於正武殿告天而行之

五代志道家齋法夜中於

星辰之下陳設酒脯饌餌幣物歷祀天皇太一祀五星列宿為書燒香陳讀云奏上天曹名之為醺醺子肖翻

密令左右伺察羣臣

伺相吏翻

小有過失輒行誅譴又居喪

纔踰年輒恣聲樂魚龍百戲常陳殿前

五代志齊武平中有魚龍爛漫

俳優侏儒山車巨象拔井種瓜殺馬剥驢等奇怪異端百有餘物名為百戲時鄭譯有寵於周主徵齊散樂並會京師為之蓋累日繼夜不知休息多娶美女以實後秦角抵之流也

宮增置位號不可詳錄遊宴沈酒或旬日不出

沈持林翻酒彌

充翻毛晃曰沈酒飲酒齊其色

韓詩飲酒閑門不出客曰酒羣臣請事者皆因宦者

奏之於是樂運與櫬詣朝堂陳帝八失

櫬初現翻空棺朝直遙翻下同

其一以為大尊比來事多獨斷

比毗至翻斷丁亂翻

不參諸宰輔

與衆共之其二搜美人以實後宮儀同以上女不許輒

嫁貴賤同怨其三大尊一入後宮數日不出所須聞奏

多附宦官其四下詔寬刑未及半年更嚴前制其五高

祖斲雕為朴崩未踰年而遽窮奢麗其六徭賦下民以

奉俳優角抵其七上書字誤者即治其罪

上時掌翻杜治直之翻

獻書之路其八玄象垂誠不能詔諷善道

玄象天象也日月星辰在

天成象諫子手
翻又子侯翻

脩布德政若不草茲八事臣見周廟不

血食矣

犧牲之薦為血食

帝大怒將殺之朝臣恐懼莫有救者

內史中大夫洛陽元巖歎曰臧洪同死人猶願之

陳容願與

臧洪同死事見六十一卷漢獻帝興平三年

況比干乎

以樂運忠諫況之比干

若樂運

不免吾將與之俱斃乃詣閤請見

見賢遍翻

曰樂運不顧其

死欲以求名陛下不如勞而遣之

勞力到翻

以廣聖度帝頗

感悟明日召運謂曰朕昨夜思卿所奏實為忠臣賜御

食而罷之 癸卯周立皇子闡為魯王

按李延壽北史靜帝諱衍後改

名闡觀此則九年周立皇子甲辰周主東巡以許公字
衍為道王自是高祖之子邪

文善為大宗伯戊午周主至洛陽立魯王闡為皇太子

闡昌善翻

二月癸亥上耕籍田

籍在亦翻

周下詔以洛陽為

東京發山東諸州兵治洛陽宮

治直之翻

常役四萬人徙相

州六府於洛陽

周置相州六府見上九年相息亮翻

周徐州總管王軌

聞鄭譯用事自知及禍謂所親曰吾昔在先朝寔申社

稷至計今日之事斷可知矣

朝直遙翻斷丁亂翻

此州控帶淮南

鄰近彊寇欲為身計易如反掌

彊寇謂陳易以鼓翻

但忠義之節

不可虧違况荷先帝厚恩

荷下可翻

豈可以獲罪嗣主遽忘

之邪

邪音耶

止可於此待死冀千載之後知吾此心耳

載作

亥翻周主從容問譯曰我脚杖痕誰所為也對曰事由烏

九軌

受杖事見上卷八年王軌蓋賜姓烏九氏故稱之從干容翻

宇文孝伯因言軌

將須事

宇文孝伯何為出此言也欲自求免死邪然終於不免也將須事見同上

帝使內史

杜慶信就州殺軌元巖不肯署詔御正中大夫顏之儀

切諫

武成元年置御正四人

帝不聽巖進繼之脫巾頓顙三拜三

進

顙顙朗翻顙也

帝曰汝欲黨烏九軌邪巖曰臣非黨軌正恐

濫誅失天下之望帝怒使閹豎搏其面

搏手擊也

軌遂死巖

亦廢于家遠近知與不知皆為軌流涕

為于偽翻

之儀之推

之弟也

顏之推先仕於齊齊亡入周

周主之為太子也上柱國尉遲

運為官正

此太子宫正也尉紆勿翻

數進諫不用

數所角翻

又與王軌字

文孝伯宇文神舉皆為高祖所親待太子疑其同毀已

及軌死運懼私謂孝伯曰吾徒必不免禍為之柰何孝

伯曰今堂上有老母地下有武帝

武帝即高祖也

為臣為子知

欲何之

之往也

且委質事人本徇名義諫而不入死焉可

逃

質如字焉
於乾翻

足下若為身計宜且遠之

遠於
顧翻

於是運求

出為秦州總管

天水郡
舊秦州

它日帝託以齊王憲事讓孝伯

曰公知齊王謀反何以不言對曰臣知齊王忠於社稷

為羣小所譖言必不用所以不言且先帝付囑微臣

囑之

欲翻
託也

唯令輔導陛下今諫而不從實負顧託以此為罪

是所甘心帝大慙俛首不語

令力丁翻
俛音免

命將出賜死于

家

將引也
領也

時宇文神舉為并州刺史帝遣使就州酖殺

之

使疏
吏翻

尉遲運至秦州亦以憂死

周罷南伐諸軍

突厥佗鉢可汗請和於周

厥九勿翻可從
刊入聲汗音寒

周主以趙王

招女為千金公主妻之

妻七
細翻

且命執送高紹義佗鉢不

從 辛巳周宣帝傳位於太子闡大赦改元大象自稱

天元皇帝所居稱天臺寃二十四旒車服旂鼓皆倍於

前王之數皇帝稱正陽宮置納言御正諸衛等官

保定
四年

改宗伯為納言此納言似隋官之納言為門下省長官
諸衛等官左右宮伯小宮伯左右中侍左右侍左右前
侍左右後侍左右騎侍左右宗侍左右庶侍左右勳侍
左右武伯小武伯左右武賁左右旅賁左右射聲左右
驍騎左右羽林
左右游擊也 皆準天臺尊皇太后為天元皇太后天

元既傳位驕侈彌甚務自尊大無所顧憚國之儀典率

情變更

更工
衡翻

每對臣下自稱為天用樽彝珪瓚以飲食

周禮有六尊六彝尊有壘而彝有舟鄭玄曰彝亦尊也
爵也曰彝彝法也言為尊之法鄭衆曰於主頭為器可

以挹也裸祭謂
之瓚瓚藏旱翻

令羣臣朝天臺者致齋三日清身一日

朝直
遙翻

既自比上帝不欲羣臣同已常自帶綬冠通天冠

加金附蟬顧見侍臣弁上有金蟬及王公有綬者並令

去之

五代志古者君臣佩玉綬者所以貫佩相承受也
又上下施韍如蔽膝五霸之後戰兵不息佩非兵

器韍非戰儀於是解去佩韍留其繫綬而已韍佩既廢
秦乃以采組連結於綬又謂之綬周制皇帝組綬以蒼

以青以朱以黃以白以玄以纁以紅以紫以緹以碧以
綠十有二色諸王及三公九色自黃以下王侯以下以
差降殺通天冠古制高九寸正豎頂少斜却乃直下鐵
為卷梁前有展筩冠前加金博山述加金附蟬者乃侍
中常侍所冠武弁也史皆言天元之率意自尊
綬音受冠通之冠古玩翻令力丁翻去羌呂翻不聽人

有天高上大之稱

稱尺證翻

官名有犯皆改之改姓高者為

姜

齊太公之後食采於高因以
為氏本姜姓也使改從本姓

九族稱高祖者為長祖

長

知翻

又令天下車皆以渾木為輪

渾戶本翻

禁天下婦人不得

施粉黛

粉以傅面黛
以填額畫眉

自非宮人皆黃眉墨髹每名侍臣論

議唯欲興造變革未嘗言及政事游戲無常出入不節羽

儀仗衛晨出夜還

還從宣翻
又音如字

陪侍之官皆不堪命自公卿

以下常被楚撻每捶人皆以百二十為度謂之天杖

被皮義翻

下同捶
止崇翻

其後又加至二百四十宮人內職亦如之后妃嬪

御雖被寵幸亦多杖背於是內外恐怖

怖蒲布翻

人不自安皆

求苟免莫有固志重足累息

重足而立屏氣積鬱而不
敢息重直龍翻累力委翻

以

逮於終 戊子周以越王盛為太保尉遲迴為大前疑代

王達為大右弼辛卯徙鄴城石經於洛陽

尉紆勿翻漢靈
帝時蔡邕立石

經於太學講堂前一日立於鴻都門魏正始中又立
古篆隸三字石經高澄遷之於鄴周今復徙之洛陽

詔河

陽幽相豫亳青徐七總管並受東京六府處分

相息亮
翻處昌

呂翻分
扶問翻

三月庚申天元還長安大陳軍伍親擐甲胄

擐音
官

入自青門靜帝備法駕以從

青門漢長安城東出南來第
三門也門色青故名青門法

駕次於大駕
從才用翻

夏四月壬戌朔立妃朱氏為天元帝后后吳

人本出寒微生靜帝長於天元十餘歲

長知
兩翻

踈賤無寵以

靜帝故特尊之乙巳周主祠太廟壬午大醮於正武殿

五月以襄國郡為趙國濟南郡為陳國武當安富二郡

為越國上黨郡為代國新野郡為滕國邑各萬戶

食邑
各有

實土安富當作安福五代志淅陽郡武當縣舊置武當郡又安福縣置安福郡南陽郡之新野縣舊曰棘陽置

新野郡濟子禮翻

令趙王招陳王純越王盛代王達滕王逌並

之國隨公楊堅私謂大將軍汝南公慶曰天元實無積

德視其相貌壽亦不長

相息亮翻

又諸藩微弱各令就國曾

無深根固本之計羽翮既翦何能及遠哉

觀楊堅此言豈有篡心哉

然堅處猜虐之朝而發此言其免者蓋幸也

慶神舉之弟也

突厥寇周并

州

厥九勿翻并卑經翻

六月周發山東諸民修長城

修齊所築長城也齊築長

城見一百六十卷梁敬帝太平元年

秋七月庚寅周以楊堅為大前疑

柱國司馬消難為大後承

難乃旦翻

辛卯初用大貨六銖

錢

五代志梁武帝鑄錢肉好周郭文曰五銖而又別鑄除其肉郭謂之女錢二品並行百姓或私以古錢交

易有直百五銖五銖女錢太平百錢定平一百五銖雉錢五銖對文等號輕重不一天子頻下詔書非新鑄二種之錢並不許用而私用益甚至普通中乃議盡罷銅錢更鑄鐵錢人以鐵賤易得並皆私鑄大同已後所在鐵錢如丘山錢陌所在不等至于末年陌益少以三十五為陌陳初承喪亂之後鐵錢不行始梁末又有兩柱錢及鵝眼錢兩柱重而鵝眼輕雜而用之其價同私家多鎔錢又間以錫鉄兼以粟帛為貨至文帝天嘉五年改鑄五銖初出當鵝眼之十至是又鑄大貨六銖以一當五銖之十後還當一人皆不以為便未幾帝崩遂廢

六銖而行五銖

丙申周納司馬消難女為正陽宮皇后

靜帝后也

難乃
旦翻

已酉周尊天元帝太后李氏為天皇太后壬子

改天元皇后朱氏為天皇后立妃元氏為天右皇后陳

氏為天左皇后凡四后云元氏開府儀同大將軍晟之

女

晟成
正翻

陳氏大將軍山提之女也

陳山提爾朱兆蒼頭
也見一百五十六卷

梁武帝中
大通五年

八月庚申天元如同州

丁卯上閱武於大

壯觀命都督任忠帥步騎十萬陳於玄武湖都督陳景

帥樓艦五百出瓜步江振旅而還

觀古玩翻釋名觀者
於上觀望帥讀曰率

騎奇寄翻陳讀曰陣樓艦即樓船兩面施重板列戰格
故謂之樓艦艦戶黥翻還音旋又如字帝自喪師於彭

城設近陳以耀武所謂不足者示人有餘也

壬申周天元還長安甲戌以

陳山提元晟並為上柱國

二人者皆后父也晟丞正翻

戊寅上還

宮豫章內史南康王方泰在郡秩滿縱火延燒邑居因

行暴掠驅錄富人徵求財賄

錄收也

上閱武方泰當從

才從

用翻啟稱母疾不行而徵服往民間淫人妻為州所錄

州謂

揚州也

又帥人仗抗拒傷禁司

仗兵仗禁司掌禁防姦非者帥讀曰率

為有

司所奏上大怒下方泰獄

下戶嫁翻

免官削爵土尋而復舊

壬午周以上柱國畢王賢為太師郇公韓業為大左

輔九月乙卯以鄧王貞為大冢宰以鄖公孝寬為行軍

元帥

鄖音荀鄧音豐鄖音云帥所類翻

帥行軍總管杞公亮郾公梁士

彥冠淮南

帥讀曰率

仍遣御正杜杲禮部薛舒來聘 冬十

月壬戌周天元幸道會苑大醮以高祖配醮初復佛像

及天尊像

周毀經像見上卷六年

天元與二像俱南面坐大陳雜

戲令長安士民縱觀

令力丁翻

甲戌以尚書僕射陸繕為

尚書左僕射

十一月辛卯大赦

周韋孝寬分遣杞

公亮自安陸攻黃城梁士彥攻廣陵

分兩路進兵以攻淮南此廣陵在新

息

甲午士彥至肥口

肥水入淮之口

乙未周天元如溫湯

即驪

山溫湯在驪山西北十道志曰溫泉有三所其一處即皇堂石井後周宇文護所造

戊戌周軍

進圍壽陽

周天元如同州

詔開府儀同三司南充

州刺史淳于量為上流水軍都督中領軍樊毅都督北

討諸軍事左衛將軍任忠都督北討前軍事前豐州刺

史臯文奏帥步騎三千趣陽平郡

五代志建安郡陳置豐州江都郡安宜縣

梁置陽平郡臯姓臯陶之後左傳有越大夫臯如帥讀曰率下同騎奇寄翻下同趣七喻翻下同

壬寅

周天元還長安

癸卯任忠帥步騎七千趣秦郡

趣七喻翻

丙午仁威將軍魯廣達帥衆入淮

梁置五德將軍智仁勇信嚴五威將軍代

舊征虜五武將軍代舊冠軍

是日樊毅將水軍二萬自東關入焦湖

九域志巢湖亦謂之焦湖樊毅水軍欲自此湖向合肥將即亮翻又音如字領也焦子小翻

武毅將

軍蕭摩訶帥步騎趣歷陽

武毅將軍亦梁置下於五德二班

戊申韋孝

寬拔壽陽杞公亮拔黃城梁士彥拔廣陵辛亥又取霍

州水經注蕭齊立霍州治濳縣天柱山五代志廬江郡霍山縣梁置霍州

癸丑以揚州刺

史始興王叔陵為大都督總水步衆軍 丁巳周鑄永

通萬國錢一當千與五行大布並行

五代志周令五行大布與五銖三品

並用 十二月戊午周天元以災異屢見舍仗衛如天興

宮百官上表勸復寢膳

見賢遍詗舍讀曰捨上時掌詗

甲子還宮御正

武殿集百官及宮人外命婦

外命婦五命以上官之妻也

大列伎樂

妓渠初作乞寒胡戲

杜佑曰乞寒者本西國外藩之樂也新唐書康國之俗十一月鼓舞

乞寒以水交潑為樂其戲流入中國

乙丑南北充晉三州

五代志不載北兖州所治

同安郡梁置豫州後改曰晉州後齊改江州陳復曰晉州

及盱眙山陽陽平馬頭秦

歷陽沛北譙南梁等九郡民並自拔還江南

考異曰陳紀九郡

作九州蓋字誤五代志江都永福縣舊曰沛梁置涇城東陽二郡及涇州陳廢州併二郡為沛郡全椒縣梁置

北譙郡南梁郡自宋志有之不知其實土所在梁天
監二年馮道根以南梁太守戍阜陵蓋自是為實土周

又取譙北徐州

譙州治渦陽在譙郡山桑縣北徐州置於琅邪郡

自是江北之

地盡沒于周 周天元如洛陽親御驛馬日行三百里

四皇后及文武侍衛數百人並乘驛以從

驛人質翻亦驛馬也從之

用翻仍令四后方駕齊驅

方駕並駕也

或有先後輒加譴責人

馬頓仆相及於道 癸酉遣平北將軍沈恪電威將軍

裴子烈鎮南徐州開遠將軍徐道奴鎮柵口

電威開遠將軍品並

第七秩六百石
柵口柵江口

前信州刺史楊寶安鎮白下戊寅以中

領軍樊毅都督荊郢巴武四州水陸諸軍事

五代志南郡公安

陳置荊州江夏郡置郢州巴陵郡置巴州武陵郡置武州

已卯周天元還長安

貞毅將軍汝南周法尚

貞毅將軍班五德將軍之下

與長沙王叔堅

不相能叔堅譖之於上云其欲反上執其兄定州刺史

法僧

五代志永安郡麻城縣陳置定州其地時已沒於周

發兵將擊法尚法尚奔

周周天元以為儀同大將軍順州刺史

五代志漢東郡順義縣西魏置

州順上遣將軍樊猛濟江擊之法尚遣部曲督韓朗詐降

於猛曰法尚部兵不願降北

降戶江翻

人皆竊議欲叛還

從

宣翻又若得軍來自當倒戈猛以為然引兵急趨之

七趨

音如字

喻翻又法尚陽為畏懼自保江曲

江曲江

水之曲戰而偽走伏

兵邀之猛僅以身免沒者幾八千人

幾居

依翻



資治通鑑卷一百七十三

欽定四庫全書

總校官庶吉士臣侍朝

校對官檢討臣龔大萬

謄錄監生臣朱懷玉

欽定四庫全書薈要

史部

資治通鑑卷二百七十四

五

詳校官編修臣汪鏞



資治通鑑卷一百七十四 宋 司馬光 撰

胡三省 音註

陳紀八

上章困
敦一年

高宗宣皇帝下之上

太建十二年春正月癸巳周天元祠太廟

史言周天元
既以朝政授

其子而猶
主祭祀

戊戌以左衛將軍任忠為南豫州刺史

此時

南豫州治宣
城任音壬

督緣江軍防事

乙卯周稅入市者人一

錢 二月丁巳周天元幸露門學釋奠

周露門學在露門左右塾古者

仲春仲秋皆以上丁釋奠于先聖先師鄭玄曰釋奠者設薦饌酌奠而已

戊午突厥入貢

于周且迎千金公主

周許以千金公主妻突厥事始上卷上年厥九勿翻

乙丑周

天元改制為天制敕為天敕

制者大賞罰大除授赦宥慮囚慰勞用之敕者廢置

州縣增減官吏除免官爵授六品以上官發兵施行百官奏請戒約臣下皆用之皆宣署申覆而後行 壬

午尊天元皇太后為天元上皇太后天皇太后為天元

聖皇太后

二太后天元嫡母阿史那氏所生母李氏也

癸未詔楊后與三后

皆稱太皇后

三后朱后元后陳后也

司馬后直稱皇后

司馬后正陽宮皇后

也行軍總管杞公亮天元之從祖兄也

天元從祖字文泰之兄弟也從

才用翻

其子西陽公溫妻尉遲氏蜀公迴之孫

尉紆翻

有美

色以宗婦入朝天元飲之酒逼而淫之

朝直逞翻飲于禁翻

亮聞

之懼三月軍還至豫州

自淮南還軍豫州治汝南還音旋又音如字

密謀襲

韋孝寬并其衆

韋孝寬征南行軍元帥帥所類翻

推諸父為主

諸父謂趙王招

兄鼓行而西亮國官茹寬知其謀

諸國公各有國官茹姓也後魏書普六茹

後改為茹氏余按太和之時南齊有茹法亮蓋南國自有茹氏今茹寬既仕於北國恐出於普六茹氏茹音如

先告孝寬孝寬潛設備亮夜將數百騎襲孝寬營

將即亮翻

又音如字領也騎奇寄翻

不克而走戊子孝寬追斬之溫亦坐誅天

元即召其妻入宮拜長貴妃

長知兩翻

辛卯立亮弟永昌公

椿為杞公 周天元如同州增候正前驅式道候為三

百六十重

候正主候望前驅先驅也式道候在大駕前重直龍翻

自應門至於赤

岸澤

鄭玄曰天子五門臯庫雉應路詩云乃立應門應門將將赤岸澤在長安北同州南道里蓋適中

數十里間幡旗相蔽音樂俱作又令虎賁持鉞馬上稱

警蹕

賁音奔鉞色立翻戟也鉞也警戒也戒人以車駕將至也蹕蹕止行人也

乙未改同州

宮為成天宮庚子還長安

還從宣翻又音如字

詔天臺侍衛之官

皆著五色及紅紫綠衣以雜色為緣名曰品色衣

略著則翻

緣以絹翻五代志

以錦綺續繡為緣

有大事與公服間服之

五代志後周之制諸命秩

之服曰公服其餘常服曰私衣隋唐以下有朝服

有公服朝服曰具服公服曰從省服間古覓翻

壬寅

詔內外命婦皆執笏

後周之制內外命婦各有命服未嘗執笏也

其拜宗廟

及天臺皆俛伏如男子

免俛音

天元將立五皇后以問小

宗伯狄道辛彥之

五代志狄道縣屬金城郡

對曰皇后與天子敵體

不宜有五太學博士西城何妥曰昔帝嚳四妃虞舜二

妃先代之數何常之有

博士秦官漢置五經博士即太學博士也晉武帝立國子學置

博士一人遂有國子博士太學博士之分西城郡時置
金州帝王紀云帝嘗四妃元妃有郃氏女曰姜嫄次妃
有城氏女曰簡狄次妃陳豐氏女曰慶都次妃嫫毘氏女
曰常義列女傳云舜二妃堯之二女長曰娥皇次曰女
英史言何妥曲學以阿世不可以訓嘗苦沃
翻嫫音原嫫遵須翻管子斯翻妥它果翻 帝大悅免

彥之官甲辰詔曰坤儀比德土數惟五四太皇后外可

增置天中太皇后一人於是以陳氏為天中太皇后尉

遲妃為天左太皇后

陳氏山提之女尉遲氏宇文溫之妻尉紆勿翻

又造下帳

五使五皇后各居其一實宗廟祭器於前自讀祝版而

祭之

下帳山陵中便房所用此所謂下帳蓋周天元以自所居者為上帳五皇后所居者為下帳也祝版

所以祀鬼神

又以五輅載婦人自帥左右步從

按古制有五輅後周之制

皇帝之輅十有二等皇后之車十有二等亦曰輅下至三妃三公三公夫人之輅皆九至上媛婦中大夫孺人其輅五天元雖淫侈無道何至以古之五輅載婦人其實用媛婦以下所乘五輅耳五輅謂玄輅夏篆夏縵墨車戰車也帥讀又好倒懸雞及碎瓦於車上觀其號呼曰率從才用翻

以為樂

好呼到翻號戶高翻樂音洛

夏四月癸亥尚書左僕射陸

繕卒

卒子恤翻

己巳周天元祠太廟己卯大雩壬午幸仲

山祈雨

顏師古曰仲山即今九嵎山之東仲山是也括地志仲山在雍州雲陽縣西十五里

甲申

還宮令京城士女於衢巷作樂迎候

還從宣翻又音如字令力丁翻

五月癸巳以尚書右僕射晉安王伯恭為僕射 周楊

后性柔婉不妬忌四皇后及嬪御等咸愛而仰之

嬪內官九

嬪也嬪婦也能行婦道者也御侍也進也進御於君者也嬪毗賓翻

天元昏暴滋甚喜怒

乖度嘗譴后欲加之罪后進止詳閑辭色不撓

譴行戰翻詳審

也諦也閑暇也習也撓曲也又動亂也撓女巧翻又女教翻

天元大怒遂賜后死逼

令引訣

漢書多作引決謂引分自裁也訣別也令力丁翻

后母獨孤氏

獨孤氏信之女

也詣閤陳謝叩頭流血然後得免后父大前疑堅位望

隆重天元忌之嘗因忿謂后曰必族滅爾家因召堅謂

左右曰色動即殺之堅至神色自若乃止內史上大夫

鄭譯與堅少同學

少詩照翻

奇堅相表

相息亮翻

傾心相結堅既

為帝所忌情不自安嘗在永巷

永巷官中長巷

私於譯曰

身事不敢

昌言之故曰私

久願出藩公所悉也

出藩謂出補外藩悉諳究也

願少留意

少詩譯曰以公德望天下歸心欲求多福豈敢忘也

鄭譯

被寵於天元為如何天元無恙而與楊堅謹即言及天元於宮中私言至及于此小人傾覆何可託邪

將遣譯入寇譯請元帥

帥所類翻

天元曰卿意如何對曰若

定江東自非懿戚重臣

懿專久而美也大也

無以鎮撫可令隨公

行

以楊爵稱之

且為壽陽總管以督軍事天元從之己丑以

堅為揚州總管使譯發兵會壽陽

壽陽屬南則為豫州屬北則為揚州

將

行會堅暴有足疾不果行

先無此疾而忽有此疾曰暴暴猝暴也

甲午夜

天元備法駕幸天興宮乙未不豫而還

還音旋又如字

小御正

博陵劉昉素以狡諂得幸於天元

杜佑曰周御正屬天官御正中大夫五命

小御正下大夫四命昉分罔翻狡古巧翻猾也

與御正中大夫顏之儀並見親

信天元召昉之儀入臥內欲屬以後事天元瘖不復能

言

寢室謂之臥內屬之欲翻瘖於今翻復如字又扶又翻

昉見靜帝幼冲

冲亦幼也周成

王率稱冲人冲子

以楊堅后父有重名遂與領內史鄭譯

鄭譯以內

史上大夫領內史

御飾大夫柳裘

周置御飾大夫掌御飾其御服又置司服掌之

內史

大夫杜陵韋謏

杜陵漢晉皆屬京兆後隋併入京兆大興縣其地在隋唐長安城南謏與謨同

御正下士朝那皇甫績

朝那縣屬安定郡後周下士二命

謀引堅輔政

堅固辭不敢當昉曰公若為速為之不為昉自為也堅

乃從之稱受詔居中侍疾裘悞之孫也

柳悞柳元景之從孫世隆之子

世仕江南江陵陷柳氏入關中遂臣於周悞徒甘翻

是日帝殂

年二十二殂祚故翻

祕不發

喪昉譯矯詔以堅總知中外兵馬事

乙未帝不豫還宮考異曰周帝紀

詔堅入侍疾丁未追五王入朝已酉大漸昉譯矯制以堅受遺輔政是日帝崩按堅以變起倉猝故得矯命當國若自己未至已酉凡十五顏之儀知非帝指拒而不日事安得不泄今從隨帝紀

從昉等草詔署訖逼之儀連署之儀厲聲曰主上升遐

記曲禮告喪曰天王登假鄭玄曰登上也假已也嗣子上已者言若仙去云耳登猶升也假與遐同音霞

冲幼靜帝時阿衡之任商相伊尹輔太甲稱阿衡宜在

宗英才過人曰英宗英宗室之中其才過人者方今趙王最長以親以德合

膺重寄趙王謂趙王招於靜帝諸大父行公等備受朝

恩朝直當思盡忠報國奈何一旦欲以神器假人老子天下

神器為者敗之執者失之註云大寶之位是天地神明之器故不可以力為也又曰國之利器不可以授人

之儀有死而已不能誣罔先帝昉等知不可屈乃代之

儀署而行之諸衛既受勅並受堅節度

周自左右官伯至左右羽林游

擊皆諸衛官也

堅恐諸王在外生變以千金公主將適突厥為

辭徵趙陳越代滕五王入朝

五王就國見上卷上年厥九勿翻朝直遙翻

堅

索符璽

符謂兵符璽謂天子六璽索山客翻璽斯氏翻

顏之儀正色曰此天子

之物自有主者宰相何故索之

索山客翻

堅大怒命引出將

殺之以其民望出為西邊郡守

西邊恐當作西疆五代志臨洮郡合川縣後周

置仍立西疆郡考異曰北史鄭譯傳之儀與官者謀

引大將軍宇文仲輔政仲已至御坐譯知之遽率開府

楊惠及劉昉皇甫績柳裘俱入仲與之儀見譯等愕然

遂巡欲出隋文因執之於是矯詔復以譯為內史上大

夫明日隋文為丞相拜譯柱國府長史

按之儀若爾豈復得全今從之儀傳

丁未發喪靜帝

入居天臺罷正陽宮

置正陽宮見上卷上年

大赦停洛陽宮作

治洛

陽宮見上卷

庚戌尊阿史那太后為太皇太后李太后

上年二月

為太帝太后

靜帝祖母也

楊后為皇太后朱后為帝太后

靜帝

嫡母生母也

其陳后元后尉遲后並為尼

皆不以德選以色進者也尼女夷翻

以漢王贊為上柱國右大丞相

贊靜帝叔父也周人上右相息亮翻

尊以

虛名實無所綜理以楊堅為假黃鉞左大丞相秦王贇

為上柱國百官摠已以聽於左丞相

孔子曰君薨百官摠已以聽於冢宰

三年朱熹曰各摠攝已職以聽也余謂若此者必有伊周之臣而後可

堅初受顧命

顧命始於

周成王孔安國曰臨終之命曰顧命余謂顧命者言天子登遐若回顧而有所言也陸德明曰顧工戶翻

使

邦國公楊惠

邦音寒又古寒翻

謂御正下大夫李德林曰朝廷

賜令摠文武事經國任重今欲與公共事必不得辭德

林曰願以死奉公堅大喜始劉昉鄭譯議以堅為大冢

宰譯自攝大司馬昉又求小冢宰

後周置小冢宰上大冢宰也六命按爾雅冢

大也鄭玄曰冢大之上也冢宰之上不宜加堅私問德
小字故周官止曰小宰昉分罔翻冢知應翻

林曰欲何以見處

處昌呂翻

德林曰宜作大丞相假黃鉞都

督中外諸軍事不爾無以壓衆心

如昉譯之言大冢宰雖六官之長然猶與

諸公等夷德林所言則宇文泰所以輔魏者
也不爾猶言不如此也相息亮翻壓於甲翻

及發喪即

依此行之以正陽宮為丞相府時衆情未壹

言周之朝臣未盡歸

心於

堅引司武上士盧賁置左右

賁扶分翻

將之東宮

正陽宮本

東宮

百官皆不知所從堅潛令賁部伍仗衛

仗衛執仗而宿衛之

兵也盧賁以司武上士統之
揚堅潛令賁此舉為如何

因召公卿謂曰欲求富貴

者宜相隨

觀堅此言則其風心可知矣

往往偶語欲有去就責嚴兵

而至衆莫敢動出崇陽門

崇陽門周宮城之東門

至東宮門者拒

不納責諭之不去瞋目叱之

瞋昌真翻

門者遂却堅入責遂

典丞相府宿衛

盧賁遂為楊堅私人矣

賁辯之弟子也

盧辯與蘇綽共定後

周官制者也

以鄭譯為丞相府長史

長知兩翻

劉昉為司馬李德

林為府屬

丞相府有掾有屬

二人由是怨德林內史下大夫勃

海高類

按隋書高類自六勃海裔人類古迴細

明敏有器局習兵事多計

略堅欲引之入府

引之入丞相府為官屬

遣楊惠諭意

楊惠堅族子也堅初

秉周政欲引時才故率使之諭
意堅既受禪封觀王改名雍

頰承旨欣然曰願受驅

馳縱令公事不成頰亦不辭滅族乃以為相府司錄

司錄

摠錄一府之事令力丁翻相息亮翻

時漢王贊居禁中每與靜帝同帳而

坐劉昉飾美妓進贊

妓渠綺翻女樂也

贊甚悅之昉因說贊曰

大王先帝之弟時望所歸孺子幼冲豈堪大事

說輸芮翻孺子

謂靜帝

今先帝初崩人情尚擾王且歸第待事寧後入為

天子此萬全計也贊年少

少詩照翻

性識庸下以為信然遂

從之堅革宣帝苛酷之政更為寬大刪略舊律作刑書

要制奏而行之躬履節儉中外悅之

賈誼曰寒者利裋褐飢者甘糟糠天

下之嗷嗷新主之資也古之得天下必先有以得天

堅

夜召太史中大夫庾季才

太史掌天文歷數周制太史中大夫屬春官五命

問

曰吾以庸虛

庸言身無所能虛言

受茲顧命天時人事

卿以為何如季才曰天道精微難可意察竊以人事卜

之符兆已定

符籤也證也驗也兆龜折文也又人事之兆朕也

季才縱言不可

公豈復得為箕顓之事乎

司馬貞曰堯讓天下於許由遂逃于箕山洗耳于潁水

復扶又翻又音如字

堅默然久之曰誠如君言獨孤夫人亦謂堅

曰大事已然騎虎之勢必不得下勉之

獨孤夫人堅妃也騎虎而下必

為所

堅以相州總管尉遲迴位望素重恐有異圖

相息亮翻

尉紆使迴子魏安公惇奉詔書召之會葬

魏安郡公五代志武威郡

昌松縣有後魏魏安郡注詳見後

壬子以上柱國韋孝寬為相州總管

又以小司徒叱列長叉為相州刺史

叱列虜複姓出於拓拔氏西部後為

周之先令赴鄴孝寬續進

鄴相州總管治所

陳王純時鎮齊州

純就國於濟南濟南郡齊州也

堅使門正上士崔彭徵之

門正掌門闕啓閉之節及

出入者彭以兩騎往止傳舍

騎奇寄翻傳張應翻

遣人召純純至彭

請屏左右密有所道

屏必郢翻道言也

遂執而鎖之因大言曰

陳王有罪詔徵入朝左右不得輒動其從者愕然而去

朝直遙翻從才用翻

彭楷之孫也

崔楷死職見一百五十卷梁武帝大通元年

六月五

王皆至長安

庚申周復行佛道二教

周禁二教見一百七十一卷六

年復扶又翻又音如字

舊沙門道士精志者簡令入道

簡分別也

周

尉遲迴知丞相堅將不利於帝室謀舉兵討之

尉紆勿翻相息

亮韋孝寬至朝歌

五代志汲郡衛縣舊曰朝歌

迴遣其大都督賀蘭

貴

周書賀蘭其先與魏俱起有訖伏者為賀蘭莫何弗因為氏

齋書候韋孝寬

齋相稽翻

孝寬留貴與語以審之疑其有變遂稱疾徐行又使人

至相州求醫藥密以伺之

伺相吏翻

孝寬兄子藝為魏郡守

守式又翻

迴遣藝迎孝寬孝寬問迴所為藝黨於迴不以實

對

魏郡守與相州總管府同治鄴職事有聯且迴忠於帝室宜其黨於所事守手又翻

孝寬怒將

斬之藝懼悉以迴謀語孝寬

語牛倨翻

孝寬攜藝西走每至

亭驛

亭郵亭也即置驛之所

盡驅其傳馬而去

傳馬即驛馬傳張應翻

謂驛

司曰

驛司掌驛之吏

蜀公將至宜速具酒食

尉遲迴封蜀公故稱之

迴尋

遣儀同大將軍梁子康將數百騎追孝寬追者至驛輒

逢盛饌

康將即亮翻又音如字領也騎奇寄翻饌雖晚翻又離應翻食也

又無馬遂遲

留不進孝寬與藝由是得免

史言韋孝寬機數過人

堅又令候正

破六韓裒詣迴諭旨

破六韓虜三字姓諭譬也告也曉也旨意向也裒薄侯翻

密與

總管府長史晉昶等書

姓苑晉本唐叔虞之後以國為氏長知兩翻昶音敵

今為

之備迴聞之殺昶及裒集文武士民

文武謂總管府及州郡文武官屬也

丁翻登城北樓令之曰楊堅藉后父之勢挾幼主以作

威福不臣之迹暴於行路

令力定翻藉慈夜翻暴步卜翻顯示也又如字顯露也

吾與國舅甥

尉遲迴字文泰之甥

任兼將相先帝處吾於此

將即亮翻

相息亮翻

本欲寄以安危今欲與卿等糾合義勇

糾渠
顯翻

處昌呂翻
繩三合為糾言糾
合者義取諸此

以匡國庇民何如衆咸從命迴乃自

稱大總管承制置官司

稱大總管者欲以統攝諸州總
管署置官司而隔於權臣未得

以聞於天子
故曰承制

時趙王招入朝留少子在國

趙王招國於
襄國襄國屬

相州總管府朝直
遙翻少詩照翻

迴奉以號令甲子堅發關中兵以韋

孝寬為行軍元帥

帥所
類翻

郕公梁士彥樂安公元諧化政

公宇文忻濮陽公武川宇文述武鄉公崔弘度清河公

楊素隴西公李詢等皆為行軍總管以討迴

梁士彥國
公郕古國

名自元諧以下皆郡公五代志北海郡千乘縣舊置樂
安郡地形志夏州有化政郡參考五代志當在夏州巖
綠縣界東平郡郵城縣舊置濮陽郡述傳曰述代郡武
川人志馬邑郡善陽縣有代郡上黨郡鄉縣石勒置武
鄉郡五代志周改馮翊華陰縣為武鄉郡清河郡武城
縣舊置清河郡隴西古郡也後魏領襄武首陽縣樂音
洛濮博
木翻

弘度楷之孫詢穆之兄子也

李穆時為并州刺史

初宣帝

使計部中大夫楊尚希撫慰山東

後周置計部蓋主計會之簿書若周官之

司書杜佑曰計部屬天官

至相州聞宣帝殂

殂祚乎翻

與尉遲迴發喪

尉紆

勿翻尚希出謂左右曰蜀公哭不哀而視不安將有他計

吾不去懼及於難

難乃旦翻

遂夜從捷徑而遁

捷徑者不由正路捷出取

徑直遲明

遲直利翻待也

迴覺追之不及遂歸長安堅遣尚希

督宗兵三千人鎮潼關

楊尚希弘農人弘農華陰諸楊自東漢至後魏為名族魏分東

西弘農又為兵衝故楊氏有宗兵

雍州牧畢刺王賢

雍於用翻刺盧達翻謚法愎狠遂過

曰刺又不思議愛曰刺暴慢無親曰刺楊堅加賢以惡謚耳

與五王謀殺堅事洩

洩與

泄堅殺賢并其三子掩五王之謀不問

堅豈真不問哉山東有慶內復

相圖姑以安反側耳

以秦王贇為大冢宰杞公椿為大司徒庚子

以柱國梁睿為益州總管睿禦之子也

梁禦見一百五十六卷梁武帝

中大通六年

周遣汝南公神慶司衛上士長孫晟

汝南古郡名晟

丞正

送千金公主於突厥

厥九勿翻

晟幼之曾孫也

按隋長孫晟傳

及唐宰相世系表晟長孫稚之五世孫稚字幼卿生子裕子裕生紹遠紹遠生覽覽生畝畝生熾熾生晟非曾

孫也若書稚字幼下亦闕卿字

又遣建威侯賀若誼

建威縣侯五代志建威縣屬武都郡

若人賂佗鉢可汗

可從刊入聲汗音寒

且說之以求高紹義

說翰

佗鉢偽與紹義獵於南境使誼執之誼敦之弟也

賀若敦弼

之父也

秋七月甲申紹義至長安徙之蜀久之病死於蜀

周青州總管尉遲勤迴之弟子也

尉紆勿翻

初得迴書表

送之尋亦從迴迴所統相衛黎洺貝趙冀瀛滄

五代志汲郡東

魏置義州後周為衛州黎陽縣後魏黎陽郡後置黎州
武安郡後周置洺州清河郡後周置貝州趙郡大陸縣
舊曰廣阿置殷州後改趙州信都郡舊置冀州河間郡
河間縣舊置瀛州勃海郡饒安縣舊置滄州考異曰

周書迴傳又有毛州按迴滅後勤所統青齊膠光莒等
隋高祖始置毛州迴傳誤也

州五代志北海郡置青州齊郡舊曰齊州高密郡舊置
膠州東萊郡舊置光州琅邪郡沂水縣舊置南青州

後周改為莒州皆從之衆數十萬榮州刺史邵公曹
五代志榮陽郡汜水

縣古虎牢也後魏置東中府東魏置北豫州
後周置榮州邵公曹周宗室也封邵郡公申州刺史

李惠五代志義陽郡江左置司州後
魏改曰郢州後周改曰申州東楚州刺史費也

利進五代志琅邪郡後魏置南徐州梁改為東徐州東
魏改東楚州陳改安州後周改泗州宣史家以舊

州名書之邪費也虜復姓

潼州刺史曹孝遠

按五代志後周亦無

潼州但云下邳郡夏丘縣梁置潼州後齊改曰睢州尋廢夏丘宿豫相去不遠宿豫舊東楚治所意此時尚有

此二州而各據本州徐州總管司錄席毗羅據兖州

五代

志魯郡瑕丘縣舊置兖州姓苑席

姓其先姓籍避項羽諱改姓席氏前東平郡守畢義緒

據蘭陵

五代志蘭陵縣舊曰承置蘭陵郡守式又翻

皆應迴懷縣永橋鎮將

紇豆陵惠以城降迴

五代志懷縣屬河內郡隋大業初廢入安昌縣安昌本州縣紇豆陵

虜三字姓魏收官氏志次南諸姓有紇豆陵氏將即亮翻

迴使其所署大將軍石遜

政建州建州刺史宇文弁以州降之

五代志長平郡舊曰建州降戶江翻

又遣西道行臺韓長業攻拔潞州

五代志上黨郡後周置潞州

執刺

史趙威署城人郭子勝為刺史紇豆陵惠襲陷鉅鹿

鉅鹿

古郡也隋為縣屬襄國郡

遂圍恒州

五代志恒山郡後周置恒州恒戶登翻

上大將軍

宇文威攻汴州

五代志滎陽郡後儀縣東魏置梁州後周改曰汴州汴皮變翻

莒州刺

史烏九尼等帥青齊之衆圍沂州

五代志琅邪郡舊置北徐州後周改曰沂

州帥讀曰率

大將軍檀讓攻拔曹亳二州

五代志濟陰郡後魏置西兗州後周

改曰曹州譙郡後魏置南兗州後周改亳州亳旁各翻

屯兵梁郡

梁郡治睢陽

席毗羅

衆號八萬軍於蕃城攻陷昌慮下邑

五代志彭城郡滕縣舊曰蕃置蕃郡

隋改曰滕昌慮漢古縣後魏屬蘭陵郡下邑亦漢古縣五代志屬梁郡漢書蕃音皮慮音廬

李惠自

申州攻永州拔之

五代志汝南郡城陽縣梁置楚州東魏置西楚州後齊曰永州城陽前漢

侯國其地在義陽東北

迴遣使招大左輔并州刺史李穆穆鎖其

使封上其書

使疏吏翻上時掌綢

穆子士榮以穆所居天下精兵

處

并州用武之地士健馬多故曰天下精兵處

陰勸穆從迴穆深拒之堅使

內史大夫柳裘詣穆為陳利害

為于偽翻

又使穆子左侍上

士渾往布腹心

布腹心者陳其至誠非貌言也

穆使渾奉尉斗於堅曰

願執威柄以尉安天下

尉斗今之尉斗毛晃曰火斗熨器篆文作尉从尸从火从又又

偏旁手字持火所以申繒也今文作尉俗如火作熨尉紆冑翻又紆勿翻

又以十三鑲金帶

遺堅十三鑲金帶者天子之服也

五代志曰草帶案禮博二寸禮圖曰瑞綴

於革帶阮謏以為有章印則於革帶佩之東觀記曰楊賜拜太常詔賜自所著革帶故知形制尊卑不別今博三寸半加金鏤麒麟螭鉤以相鉤帶自大裘至于小朝服皆用之天子以十三鑲金帶為異後周制也銀戶闕翻遺于

堅大悅遣渾詣韋孝寬述穆意

使述穆意以堅孝寬附己之心

穆兄子崇為懷州刺史

五代志河內郡舊制懷州

初欲應迴後知穆

附堅慨然太息曰闔家富貴者數十人值國有難竟不

能扶傾繼絕復何面目處天地間乎

難乃旦翻復扶不又翻處昌呂翻

得已亦附於堅迴子誼為朔州刺史

按五代志後齊朔州治桑乾隋併入

馬邑郡善陽縣置

穆執送長安又遣兵討郭子勝擒之迴招

徐州總管源雄東郡守于仲文皆不從雄賀之曾孫仲

文謹之孫也

東郡治白馬源賀本出禿髮氏歸魏改姓源于謹事宇文有大功守手又翻

迴

遣宇文胄自石濟宇文威自白馬濟河

石濟在白馬西

二道攻

仲文仲文棄郡走還長安迴殺其妻子迴遣檀讓徇地

河南丞相堅以仲文為河南道行軍總管使詣洛陽發

兵討讓命楊素討宇文胄丁未周以丞相堅都督中外

諸軍事鄖州摠管司馬消難亦舉兵應迴

按五代志漢東郡唐城縣

本梁之下澧城後魏之澠西縣也後魏立肆州尋改唐州後周省均歟湏歸四州入如此則鄖州已併省今有鄖州摠管而志逸置摠管府之地此考史之所以難也春秋鄖子之國杜預謂在江夏雲杜縣東南有鄖城章懷太子賢曰雲杜故城在復州沔陽縣西北周蓋因古國名置鄖州于沔陽也鄖音云難乃旦翻

己酉

周以柱國王誼為行軍元帥以討消難

帥所類翻

廣州刺史

于顗仲文之兄也與摠管趙文表不協詐得心疾誘文

表手殺之

誘音酉

因唱言文表與尉遲迴通謀堅以迴未

平因勞勉之即拜吳州摠管

按隋書于顗傳顗時為東廣州刺史五代志江都郡

梁置南充州後齊改為東廣州陳復曰南充後周改曰吳州東廣州蓋因廣陵以名州觀此則此時東廣州刺

史與吳州總管並治廣陵也廣趙僭王招謀殺堅楊堅上逸東字顓魚豈翻勞力到翻亦以

趙王招謀殺已而加惡謚邀堅過其第過古堅齋酒殺就之齋則招

引入寢室招子員貫及妃弟魯封等皆在左右佩刀而

立又藏刀於帷席之間伏壯士於室後堅左右皆不得

從唯從祖弟開府大將軍弘大將軍元胄坐於戶側胄

順之孫也元順以伉直得名於孝昌之間從才用翻弘胄皆有勇力為堅腹

心酒酣招以佩刀刺瓜連啗堅欲因而刺之酣戶甘翻刺七賜翻

又七迹翻咄徒
敢翻又徒溫翻

元胄進曰相府有事不可久留招訶之

曰我與丞相言汝何為者叱之使却胄瞋目憤氣扣刀

入衛

訶虎何翻
瞋昌真翻

招賜之酒曰吾豈有不善之意邪卿何

猜警如是

猜疑也警戒也猜警言
疑而加戒慎也邪音耶

招偽吐將入後閣胄

恐其為變扶令上坐如此再三招偽稱喉乾

吐土故翻
唱也上時

掌翻坐祖臥翻

命胄就厨取飲胄不動會滕王迨後至

下同乾音干

迨音

堅降階迎之胄耳語曰

附耳
而語

事勢大異可速去堅

曰彼無兵馬何能為胄曰兵馬皆彼物彼若先發大事

去矣胄不辭死恐死無益堅復入坐

復扶又翻
又音如字

胄聞室

後有被甲聲遽請曰相府事殷

被皮義翻相息
亮翻殷衆也

公何得

如此因扶堅下牀趨去招將追之胄以身蔽戶招不得

出堅及門胄自後至招恨不時發彈指出血壬子堅誣

招與越野王盛謀反皆殺之

野亦惡
謚也

及其諸子賞賜元

胄不可勝計

勝音升

周室諸王數欲伺隙殺堅

數所角翻
伺相吏翻

堅都督臨涇李圓通常保護之

按隋書李圓通傳作京
兆涇陽人涇陽縣固屬

京兆若以為臨涇則屬
安定圓通少給使堅家

由是得免

癸丑周主封其弟

行為葉王

大建五年六月周皇孫衍生武帝建德二年也大建九年周封皇子衍為道王武帝建德

之六年也今靜帝又封其弟衍為葉王李延壽又衍為

郢王 周豫荆襄三州蠻反

豫州汝南郡荊州南郡襄州襄陽郡此蠻即所謂山

蠻自荆襄至于汝漢皆有之攻破郡縣 周韋孝寬軍至永橋城諸

將請先攻之孝寬曰城小而固若攻而不拔損我兵威

今破其大軍此何能為於是引軍壁於武陟

武陟地名按五代志

在河內郡修武縣界至隋析置武陟縣將即亮翻

尉遲迥遣其子魏安公惇帥

衆十萬入武德軍於沁東

魏安縣公五代志宕渠郡墊江縣後周為魏安縣又沔陽

郡甌山縣梁置梁安郡西魏改曰魏安郡注又見前河
內郡安昌縣舊曰州縣置武德郡尉於勿翻惇都昆翻

帥讀曰率
沁七鳩翻

會沁水漲孝寬與迴隔水相持不進

此與迴兵相持

耳孝寬長史李詢密啓丞相堅云梁士彥字文忻崔弘

度並受尉遲迴鑲金

長知兩翻相息亮翻鑲即亮翻鑲也

軍中慄慄

慄慄早翻

慄慄憂愁小安也

人情大異堅深以為憂與內史上大夫鄭譯

謀代此三人者

後周之制上大夫六命

李德林曰公與諸將皆國

家貴臣未相服從今正以挾令之威控御之耳

將即亮翻挾令

謂挾天子以令諸將也

前所遣者疑其乖異後所遣者又安知能

盡其腹心邪

邪音耶

又取金之事虛實難明今一旦代之

或懼罪逃逸若加縻繫則自郢公以下莫不驚疑

縻靡為翻

繫陟立翻皆謂繫縛

也韋孝寬封郢國公

且臨敵易將此燕趙之所以敗也

燕惠王信讒用騎劫代樂毅而敗于田單趙惠文王聽間用趙括代廉頗以敗于白起臨敵易將之禍也將即

亮翻燕因肩翻將即亮翻下同

如愚所見但遣公一腹心明於智略素

為諸將所信服者速至軍所使觀其情偽縱有異意必

不敢動動亦能制之矣堅大悟曰公不發此言幾敗大

事

幾居依翻敗補遺翻

乃命少內史崔仲方往監諸軍為之節度

仲方猷之子也

以杜佑通典攷之少內史當作小內史崔猷見一百六十二卷梁武帝太清三

年仲方有文武才幹與堅少相款密故欲用之監工銜翻辭以父在山東又命劉昉

鄭譯昉辭以未嘗為將

將即亮翻

譯辭以母老堅不悅府司

錄高頴請行堅喜遣之頴受命亟發亟紀翻遣人辭母而

已自是堅措置軍事皆與李德林謀之時軍書日以百

數德林口授數人文意百端不加治點

治脩改也點塗點也不加治點

不加塗改也治直之翻

司馬消難以鄖隨溫應土順沔懷岳九州

及魯山等八鎮來降

五代志漢東郡西魏置并州後改曰隨州安陸郡京山縣舊曰新陽

梁置新州西魏改曰温州應山縣梁置應州漢東郡土
山縣梁置土州順義縣梁置順州沔陽郡後周置復州
後改沔州安陸郡吉陽縣後周置潁州孝昌縣西魏置
岳州魯山在沔陽郡漢陽縣界臨江齊梁以來為重鎮
儼當作潁音戶遣其子為質以求援質音致八月己未詔

以消難為大都督總督九州八鎮諸軍事司空賜爵隨

公庚申詔鎮西將軍樊毅進督沔漢諸軍事沔即南豫漢也

州刺史任忠帥衆趣歷陽超武將軍陳慧紀為前軍都

督趣南兖州超武將軍梁置與宣猛將軍同班任音士帥讀曰率趣七喻翻周益州

總管王謙周益州總管府治成都亦不附丞相堅起巴蜀之兵以

攻始州

此巴蜀謂漢巴郡蜀郡大界五代志善安郡梁置南梁州後改曰安州西魏改曰始州

梁

睿至漢川不得進

進漢川即漢中隋避諱改曰漢川

堅即以睿為行軍元帥以討謙

帥所類翻

戊辰詔以司馬

消難為大都督水陸諸軍事庚午通直散騎常侍淳于

陵克臨江郡

五代志歷陽郡為江縣梁置江都郡後齊改為齊江郡陳改為臨江郡散悉亶翻騎

寄寄

梁世宗使中書舍人柳莊奉書入周丞相堅執莊

手曰孤昔開府從役江陵深蒙梁主殊眷今主幼時艱

猥蒙顧託梁主奕葉委誠朝廷

奕累也奕葉累世也朝直遙翻

當相與

共保歲寒

孔子曰歲寒然後知松柏之後彫何晏注曰大寒之歲衆木皆死然後知松柏不彫傷平

歲衆木亦有不死者故須歲寒而後別之喻凡人處治世亦自能修整與君子同在濁世然後知君子之不苟

容後之言保歲時諸將競勸梁主舉兵與尉遲迴連謀

寒者義取諸此

以為進可以盡節

將即亮翻尉紆勿翻

周氏退可以席卷山南

漢

之地在中南太華諸山之南卷讀曰捲

梁主疑未決會莊至具道堅語且

曰昔袁紹劉表王凌諸葛誕皆一時雄傑據要地擁彊

兵然功業莫就禍不旋踵者良由魏晉挾天子保京都

仗大順以為名故也

袁紹事始六十三卷漢獻帝建安四年終六十四卷十年劉表事見

六十五卷十二年十三年王凌事見七十五卷魏邵陵
厲公嘉平元年終三年諸葛誕事見七十七卷高貴鄉

公甘露二年

今尉遲迴雖曰舊將昏耄已甚

將即亮翻
耄莫到翻司

馬消難王謙常人之下者非有匡合之才

匡合用管仲
相齊桓公九

合諸侯一
匡天下事

周朝將相多為身計競効節於楊氏

朝直遙
翻將即

亮翻相
息亮翻

以臣料之迴等終當覆滅隨公必移周祚

祚福
也位

也未若保境息民以觀其變梁主深然之衆議遂止高

頰至軍為橋於沁水尉遲惇於上流縱火棧

大曰棧小
曰桴縛木

為棧寔火積薪於上流放之欲
順流而下以焚橋棧房越翻

頰豫為土狗以禦之

蓋積

土于水中前銳後廣前高後庫其狀如坐狗分居上流以礙火棧使不得下逼橋邊也考異曰隋書作木棧

木狗今從北史惇布陳二十餘里

陳讀曰陣下同

麾兵少却

少詩沼翻

欲待

孝寬軍半度而擊之孝寬因其却鳴鼓齊進軍既度頽

命焚橋以絕士卒反顧之心惇兵大敗單騎走

騎奇寄翻

孝

寬乘勝進追至鄴庚午迴與惇及惇弟西都公祐

西都縣公

五代志西平郡湟水縣舊曰西都

悉將其卒十三萬陳於城南迴別統

萬人皆綠巾錦襖號黃龍兵

將即亮翻襖烏浩翻袍襖

迴弟勤帥衆

五萬

帥讀日率

自青州赴迴以三千騎先至迴素習軍旅老

猶被甲臨陳

被皮義翻

其麾下皆關中人為之力戰

關中人顧父

母妻子為迴力戰言其得士心為於偽翻

孝寬等軍不利而却鄴中士民觀

戰者數萬人行軍總管宇文忻曰事急矣吾當以詭道

破之乃先射觀者

考異曰隋書云高頻與李詢先犯觀者今從北史

觀者皆走

轉相騰藉聲如雷霆

人衆而囂故其聲如雷霆射食亦翻下同藉慈夜翻

忻乃傳

呼曰賊敗矣衆復振因其擾而乘之迴軍大敗走保鄴

城孝寬縱兵圍之李詢及思安伯代人賀婁子幹先登

思安縣伯五代志河池郡河池縣後魏置思安縣魏書官氏志神元皇帝時諸部內入者有賀樓氏蓋虜複姓

崔弘度妹先適迴子為妻及鄴城破迴窘迫升樓

窟巨

弘度直上龍尾追之

築道陂陀以上城其道下附於地若龍垂尾然故曰龍尾上時掌翻

迴彎弓將射弘度弘度脫兜鍪謂迴曰頗相識不

鏐莫

不讀今日各圖國事不得顧私以親戚之情謹遏亂兵

不許侵辱事勢如此早為身計何所待也迴擲弓於地

罵左丞相極口而自殺

楊聖時為左丞相

弘度顧其弟弘升曰

汝可取迴頭弘升斬之軍士在小城中者孝寬盡阮之

以其從迴為之拒戰也

勤惇祐東走青州

走音奏又音如字

未至開府儀

同大將軍郭衍追獲之丞相堅以勤初有誠款

以勤初表送迴

書也相息亮翻

特不之罪李惠先自縛歸罪

李惠自申州舉兵應迴既而知迴事

不成先自歸

堅復其官爵迴末年衰耄

記五十始衰謂精力消耗八十九日耄

注耄惛忘也耄莫報翻復扶又翻又音如字

及起兵以小御正崔達挈為長

史達挈暹之子也

崔暹見用於高澄挈奴加翻長知兩翻暹息廉翻

文士無籌

略舉措多失凡六十八日而敗于仲文軍至蓼隄去梁

郡七里

九域志蓼隄梁孝王築至睢陽三百里按此則九域志所謂睢陽非漢舊城之地蓼盧鳥翻或

音六

檀讓擁衆數萬仲文以羸師挑戰而偽北

羸倫為翻挑徒

了讓不設備仲文還擊大破之生獲五千餘人斬首七

百級

還從宣翻又音如字

進攻梁郡

梁郡治睢陽

迴守將劉子寬弃城

走

將即亮翻下同

仲文進擊曹州獲迴所署刺史李仲康檀讓

以餘衆屯成武仲文襲擊破之遂拔成武

五代志濟陰郡成武縣時

為永迴將席毗羅衆十萬屯沛縣

五代志沛縣屬彭城郡將即亮翻

將

攻徐州

徐州彭城郡沛縣在州西北一百四十里

其妻子在金鄉

五代志金鄉縣屬曹

州濟陰郡

仲文遣人詐為毗羅使者

使疏吏翻

謂金鄉城主徐善

淨曰檀讓明日午時至金鄉宣蜀公令賞賜將士金鄉

人皆喜仲文簡精兵爲建迴旗幟倍道而進

簡分揀也
幟昌志翻

善淨望見以爲檀讓出迎謁仲文執之遂取金鄉諸將

多勸屠其城仲文曰此城乃毗羅起兵之所當寬其妻

子其兵自歸如即屠之彼望絕矣衆皆稱善於是毗羅

恃衆來薄官軍

薄迫也

仲文設伏擊之毗羅衆大潰爭投

洙水死水爲之不流

洙水詳見辨
誤爲于偽翻

獲檀讓檻送京師

京師

謂長安斬毗羅傳首

亦傳首於長安

韋孝寬分兵討關東叛者悉

平之堅徙相州於安陽毀鄴城及邑居

劉昫曰楊堅令
韋孝寬討尉遲

迴平之焚燒鄴城徙其居人南遷四十五里以安陽城為相州理所仍為鄴縣隋又改為安陽縣漢魏郡城在縣西北七里煬帝於鄴故都大慈寺置鄴縣相息亮翻尉紆勿翻分相州置毛州魏州

五代志武陽郡後周置魏州館陶縣置毛州顏師古曰漢武帝時河北決于館陶分為屯氏河屯音大門翻而隨室分析州縣誤以為毛氏河乃置毛州失之甚矣梁主聞迴敗謂柳莊曰若從

衆人之言社稷已不守矣丞相堅之初得政也待黃公

劉昉沛公鄭譯甚厚

黃古國名沛本縣名以漢高祖初為沛公故亦為國昉分罔翻賞

賜不可勝計

勝音升

委以心膂

膂力舉翻字林膂脊骨也人之一身思慮之所以運

者心腰背之所以喻朝野傾屬

朝直遙翻屬之欲翻

稱為黃沛二人

皆恃功驕恣

恃其汲引之功也

溺於財利不親職務及辭監軍

堅始疎之恩禮漸薄

監工銜翻

高頴自軍所還

言自鄴還還音旋又如字

寵遇日隆時王謙司馬消難未平

難乃旦翻

堅憂之忘寢與

食而昉逸游縱酒相府事多遺落

遺失也落墜也相息亮翻

堅乃以

高頴代昉為司馬不忍廢譯陰勅官屬不得白事於譯

勅戒譯猶坐聽事

聽事丞相府長史也聽讀曰廳

無所闕預

要會之處為闕

又聯絡也預參預也又干也

惶懼頓首求解職堅猶以恩禮慰勉之

癸酉智武將軍魯廣達克周之郭默城

梁置五德將軍智武其一

也郭默城當在
今蘄黃二州界

丙子淳于陵克祐州城

祐州城地闕

周以

漢王贊為太師申公李穆為太傅宋王實為大前疑秦

王贊為大右弼燕公子寔為大左輔

燕因肩翻

實仲文之父

也周王誼帥四總管至鄖州司馬消難擁其衆以魯

山甌山二鎮來降

五代志甌山縣後周置屬沔陽郡帥讀曰率鄖音云難乃旦翻甌子孕翻

降戶初消難遣上開府儀同大將軍段珣將兵圍順州

將即亮翻又如字領也

順州刺史周法尚不能拒弃城走消難虜

其母弟而南樊毅救消難不及周亳州總管元景山擊

之穀掠居民而去景山與南徐州刺史宇文弼追之

隋按

書宇文弼傳弼時為南司州刺史與元景山共追樊毅又五代志安陸郡吉陽縣梁置義陽郡西魏改為南司

州其地近潁順諸州南與毅戰於漳口

此漳非左傳所謂江漢沮漳之

徐當作南司弼古弼字

與毅戰於漳口

謂江漢沮漳之

漳今安陸西五十里有漳水沈括筆談曰清濁相揉者為漳章文也別有雲夢之漳與潁合流色理如蟬竦數

十里一日三戰三捷毅退保甌山鎮城邑為消難所據

方混

者景山皆復取之鄖州巴蠻多叛

按王誼傳於時北至商洛南拒江淮東西

二千餘里巴蠻多叛是則晉宋以來所謂山蠻也南朝諸史所謂荆雍州蠻者也以其先出於巴種故謂之巴

蠻共推渠帥蘭維州為主以附消難

渠大也渠帥者大帥也帥所類翻下

氏帥

王誼遣諸將分討之旬月皆平陳紀蕭摩訶攻廣

陵

陳紀即陳慧紀

周吳州總管于顗擊破之

顗魚豈翻

沙州氏帥楊

永安聚衆應王謙大將軍樂寧公達奚儒討之

按隋書達奚長

儒傳沙氏楊永安扇動利興武文沙龍等六州以應謙
參考五代志獨不載沙州蓋沙氏所居之地就置沙州
以授其渠帥也又長儒襲父慶爵樂安公志云北
海郡博昌縣舊曰樂安寧當作安儒上逸長字

楊素

破宇文胄於石濟斬之周以神武公竇毅為大司馬

竇毅即前紀巨陵毅

齊公于智為大司空九月以小宗伯竟陵公

楊惠為大宗伯

竟陵縣公五代志沔陽郡竟陵縣舊曰霄城置竟陵郡後周廢郡改縣曰竟陵

丁亥周將王延貴帥衆援厯陽任忠擊破之生擒延

貴

將即亮翻下同帥讀曰率下同任音壬

壬辰周廢皇后司馬氏為庶

人

以司馬后父消難起兵而南叛也

庚戌以隨世子勇為洛州總管東

京小冢宰總統舊齊之地

自關以東河汾以北皆舊齊之地東京小冢宰此洛州所

置六府官也

壬子以左丞相堅為大丞相罷左右丞相之官

冬十月甲寅日有食之

周丞相堅殺陳惑王純及其

子

純周五王之一也故揚堅加之惡謚

周梁睿將步騎二十萬討王謙

騎

奇翻謙分命諸將據險拒守睿奮擊屢破之蜀人大駭

謙遣其將達奚基高阿那肱乙弗虔等帥衆十萬攻利

州

五代志義城郡後魏立益州世號小益州梁曰黎州西魏復曰益州又改曰利州基渠記翻

堰江

水以灌之

嘉陵江在利州城西

城中戰士不過二千摠管昌黎豆

盧勣晝夜拒守

隋書豆盧勣傳勣昌黎徒河人本姓慕容燕北地王精之後也中山敗歸魏北

人謂歸義為豆盧因氏焉

凡四旬時出奇兵擊基等破之會梁唐至

基等遁去唐自劍閣入進逼成都謙令達奚基乙弗虔

城守親帥精兵五萬背城結陳唐擊之謙戰敗將入城

基虔以城降

守手又翻帥讀曰率背蒲昧翻陳讀曰陣降戶江翻

謙將麾下三十

騎走新都

新都縣屬蜀郡九域志新都縣在成都北四十五里將即亮翻騎奇寄翻走音奏

新

都令王寶執之戊寅睿斬謙及高阿那肱劔南平

蜀地在劔

閭之南故曰劔南

十一月甲辰周達奚儒破楊永安沙州平

奚下儒上脫長字

丁未周鄖襄公韋孝寬卒

謚法辟地有德曰襄又甲冑有勞曰

襄卒子恤翻

孝寬久在邊境

梁武帝中大同元年韋孝寬鎮玉壁宇文與高氏兵爭倚為蕃

扞有年最矣

屢抗彊敵所經略布置人初莫之解

解戶買見翻曉也

其成事方乃驚服雖在軍中篤意文史敦睦宗族

敦厚也

所得俸祿

俸扶用翻

不入私室人以此稱之

十二月庚辰

河東康簡王叔獻卒

謚法溫柔好樂曰康一德不解曰簡

癸亥周詔諸

改姓者宜悉復舊

宇文泰以諸將補九十九姓見一百六十五卷梁元帝承聖三年上書十

二月庚辰此書癸亥自庚辰至癸亥四十四日庚辰必誤按長歷周陳十二月皆壬子朔恐是丙辰

甲

子周以大丞相堅為相國總百揆去都督中外大冢宰

之號

去羌呂翻

進爵為王以安陸等二十郡為隨國

按隋書帝紀時

以隋州之崇業鄖州之安陸城陽溫州之宜人應州之平靖上明順州之淮南土州之永川昌州之廣昌安昌申州之義陽淮安息州之新蔡建安豫州之汝南臨潁廣寧初安蔡州之蔡陽郢州之漢東二十郡為隨國

贊拜不名備九錫之禮

是時九錫之禮一大輅戎輅各一元牡二駟二袞冕之服赤舄

副馬三軒懸之樂六佾之舞四朱戶以居五納陛以登
六虎賁三百人七鉞鉞各一八彤弓一彤矢百盧弓十
盧矢千九秬鬯一亩圭瓚副馬堅受王爵十郡而已辛未殺代曇王達

滕聞王逌及其子

既殺二王亦皆加以惡謚謚法不醉而怒曰哭色取行違曰聞哭平祕翻

壬申以小冢宰元孝規為大司徒是歲周境內有州
二百一十一郡五百八

資治通鑑卷一百七十四